

# ICUPO NO KULEKANA



Natukontamike imitwe yesu nomba pakashita mwipepo. Taata Mweba Kusenamina ukukalamba, twa Mitotela muno lucelo pali iyi nshita twaba pano muli ici icikulwa cikalamba, ukulolenkana nefilefuma muli kano kasuba. Lelo tatwishibe fintu buno bushiku butukwatile, lelo natwishiba Uyo uwikatilile kano kasuba. Eico twapepa ukutila Ena Uyo uwikatilile ileelo na mailo, no Muyayaya onse, alatupala ileelo nga fintu tulongene capamo mwi Shina Lyakwe, ukuti ifwe twingeshiba bwino ifyo tufwile ukwikala noku Mubombela. Ici ekwiminina kwesu ukwapwililika, Taata. Lesa, Imwe mwebaishiba imitima yesu, namwishiba ukuti ici e cine. Twaibika kuli Imwe, pamo ne—ne cipandwa cakuntanshi ica kano kasuba, ku mulimo Wenu, mwi Shina lyakwa Yesu Kristu. Ameni.

<sup>2</sup> Ikaleniko. (Twatotela. Pano palipo naumbi.)

<sup>3</sup> Mwashibukeni, mwe bumba ililemoneka ne bumba ilishilemoneka pamo ilili konse mu calo uko baletumfwila muno lucelo. Ici cilempela insambu ishikalamba ukwisa pano kabili ukulanda muno lucelo pali ili sambililo ilikankala. Kwibumba ililemoneka, cena cili icakufulunganyako panono, pantu kuntanshi yandi kuli amakatani, nomba Mfwile ukulandila ku kapinda ka kukulyo naka kukuso. Kabili nakwibumba ilishilemoneka, Kuli icikulwa icikalamba kukapinda kakukulyo kwandi, kabili necikulwa caku kanshishamo umubili kukapinda kakukuso kwandi; kabili Ninjiminina apa ndelanda, namakatani ayaisuka pakati, ukupanga ukuboko kwa ku kulyo nokwa kukuso. Kabili natukwata cinkupiti wa bantu abapulilemo, muno lucelo, ukwisuula monse mucikulwa cikalamba, pamo nomwakukanshisha umubili, namu chalichi pamo, mu chalichi ukuya panshi nokufika mu Musebo wa Eighth nowa Penn. Kabili namu ncende shimbi ishaisula, imibombebe yalama eiletwala cena kulya ku ncende shimbi.

<sup>4</sup> Twalikwata inshita iisuma nganshi muli Shikulu, kabili tuli pe samba lyakwenekela ukukalamba nganshi pakulongana muno lucelo. Kabili nomba munshita yabushiku ukuba inshita yakwisalila kwa ishi nshiku shine ishakulongana kwakufundisha, mulandu nshi, icine cine tulleita bonse, abo bonse abengasha, ukwisa pano. Tulecetekela ukutila Shikulu aletupela inshita yakutwimya apakalamba munshita yabushiku ukupitila mukucita icintu cimo icacilapo icamaka yakusungusha, icakuti Ena aleisa undapa bonse abalwele nokucita ifintu fikalamba fintu Acita lyonse. Kabili tuli pesamba lyakwenekela kukalamba munshita yacungulo bushiku. Tuleita mubusuma abantu bonse, uuli onse, ichalichi conse ica mucilongano icili conse. Imwe tamufwile nokuba

abena Kristu; tuleita icine cine ababembu ukwisa, ukwikala pakati kesu. Kabili tulebomba namaka yesu ayasuma ukubafundisha inshila yakwa Shikulu ifyo yaba, pakutila twingaba no mweo.

<sup>5</sup> Nomba Nincetekela ukutila ibumba talyabe no mwenso. Kabili Naine nincetekela muli Lesa ukuti Nshabe no mwenso, pantu Nacikwata ubushiku ubwamaka nganshi munshita yabushiku, ukubomba kwa maka. Pantu Ninjiluka ukuti ifintu Nalalanda muno lucelo nkalubulwilapo pa Bushiku bwa Bupingushi, kabili Nsha—Nsha cilala, kabili Ninjishiba ukutila Nganshilandile ifyo fyena fikaba pali ine pa Bushiku bwa Bupingushi. Eico cena cilepanga ico ukuba icakosa, tekuti iwe ucilondolole ico.

<sup>6</sup> Kabili nomba muno lucelo tuli ne sambililo ilikalamba ilyo tulefwaya ukulanshanyapo *Icupo No Kulekana*. Kabili no mulandu Ncipangile ukuba isukulu lyapa Mulungu, nipakutila twingalanda palwa ico nokusenda inshita yesu, mucifulo cakushimikila isambilisho pali ico. Kwena kufundisha ukufuma mu Malembo.

<sup>7</sup> Kabili Nde—Ndefwaya ukulanda ukuti, nga cakutila kapyunga nangu ba kapyunga, ku ncende yonse, iyi tepu yasangwa mumaboko yabo, nga twafumya iyi tepu. . . Nshishibe ico ichalichi cili nokucitapo palwa ico. Ndeipusha Munyina Fred ukumona abakalamba bamu chalichi ilyo talati ukufumya iyi tepu. Kabili kuli mwe bantu ukuya mu calo conse, mwebakwata ifilimba ifyambula, mukwai tamufwile ukufumya tepu kano mwaumfwa ukufuma kuli Munyina Sothmann palwa ico.

<sup>8</sup> Nomba, nga cakutila kwaba ukuilekelakofye ukufumya, kabili onse pali ba munyina ba kapyunga, nangu onse umwina Kristu kuncende yonse, uyo uwinga kanako kuli ifi fintu ifyo Ndelanda palwa ili sambililo, Ni—Nincetekela ukutila imwe tamufwile mwasusha Ico. Nga mwakana ukukutuluka Cena munshila iyo Nafundilamo Ico, ukuba, imwe namukwata insambu kuli ico, nga kapyunga, nga kacema. Kabili Nalicindika icintu conse ico imwe mwacetekelamo.

<sup>9</sup> Kabili pali ama sukulu ayakalamba yabili pali ici. Kabili ngacakutila kwaba amepusho yabili, kuti kwaba limbi limo pali yena ilifwile lyaba ilya lungama, nangula yonse yabili nayalungama. Eico twalaesha ukulolesha mu Cebo cakwa Lesa, muno lucelo, ukupwisha ici. Kuli ine, nga cakutila lipusho lyamuli Baibele, Baibele icine cine yalikwata ubwasuko kuli lyena.

<sup>10</sup> Kabili nomba ilyofye tatulakwata ifi, ukutampa ili sambililo, nalimo, ilyo Nshilapepela pa Cebo, Ndefwaya ukulanda kuli cila umo pali imwe, ukuti Ine. . . imwe mwebena Kristu saana saana, ukuti Ndekabila. . . Nde—Ndefwaya imwe ukumpepelako muno lucelo. Kabili na bonse mwibumba

ilishilemoneka ilyo ililekutika muli luno lucelo, mumpepeleko, pantu Ndefwaya ukuba uwacishinka kabili uwacine.

<sup>11</sup> Nomba twailuka ukutilla, mukupanga iyi imilandile, umuntu umu, nga cakutilla muntufye umu, kuti aikatilila kuli Ico kwati Cena cili pakati ka mweo ne mfwa. Kuli imwe mwe bengi pano kuti mwaya namucetekela. Ifyo fine, na imwe mwebengi, limbi, tekuti. Lelo Ninjishiba, mubupyungishi bwandi, kwaliba abantu abo abesa mukumfwa ifyo ine, kabili ukumfwa kufyo Ine nalalanda; ukufuma, ukuba, bena nabekala pano pene muno lucelo, abakufyalo fyapusana pusana, ukufuma mufingi ifya mu United States, Canada, kabili nokwabuka ba bema. Kabili kuti mwaingililamo ukutitikishiwa ukubikwa pali iwe, ukwishiba ukuti ukuti ubwikashi bwa Muyayaya bwaulya muntu buli mumaboko yobe, pantu ena ali nokwikatilila kuco ulelanda. Eico Lesa ali nokunenga ukwasukilapo pali ico, kabili Ndefwaya ukupalamina kuli ici uwabafye uwacishinka nga fintu Ningaba.

<sup>12</sup> Nomba Nde—Ndeipusha bankashi besu. Kabili Nalifumyamo yamo amashiwi yandi pakuti Ninga cisosa kuli bena. Billy nakwata mwitumba lyakwe, muno lucelo, kulya, ifintu fimo ifyo ifishingalandwa ku cinso ca—ca ili bumba ilyasakana. Kabili nafimo ifyo limbi Ningalanda, imwe mufwile mwakutuluka. Cibuleni cena nge cafuma—cafuma kuli munyina wenu, ukukonkafye ne cisuma ico Naishiba. Iwe kuti waikala mwi ofeshi lyakwa dokota noku kutika kuli ena, ali nokulanda kuli iwe amashiwi ayatambalala bwino kuli iwe. Kabili imwe bamo banamayo imisepela na baume imisepela, Nshilefwaya imwe mube necintu cimo icalubana. Ndefwaya imwe ukucetekela, kabili ikalenifye tondolo. Ibukisheni, Icine cifwile cabikwa Icine.

<sup>13</sup> Kabili, nomba, takuli ukutwisika lelo kwalaba abengi pali imwe abashasumineko kuca lalandwa, lelo Ndefwaya ukushininkisha ico kuli imwe ukupitilla muli Baibele. Kabili nomba Nincetekela, nga cakuti imwefye mwaba abamucinshi nokumfwa, nomba ninshi mwalakwata ukukutuluka ukusuma nokukwata ico Ine ndeumaulapo, inshita yonse. Nincetekela ici calalondolola ico, kabili Nincetekela ukuti calacita ico.

<sup>14</sup> Nomba limbi twalakokolako panono, ora imo na citika, nangu limbi ukulepako, pali ici. Nshishibe inshita cena calasenda.

<sup>15</sup> Kabili nomba nakabili, Ndefwaya ukulanda ukuti, muli ino nshita, ukuti, ukwishiba ukuti abantu balekatilila kumashiwi yobe walanda; balacita ico, kuli kakumba wabo. Kabili, ifyo fine, Nalibapo kakumba.

<sup>16</sup> Kabili bena balekatilila pa masihiwi yakwa kakumba, kwati fintu caba pakati kamfwa no mweo. Bena bekatilila pa masihiwi yakwa shimapepo wabo, kwati fya yena ni mfwa no mweo. Kabili ifyo fine, kakumba, limbi nafyonse fintu aishiba inshila

yakucitilamo, ena afundisha abantu bakwe bwino bwinofye kwati nifilya bamufundishe ku seminale; takuli ukutwishika lelo kano ico shimapepo, pamo, muli bukapepa ubwa pusana pusana ubo ubwakwata bashimapepo. Ifyo fine, kakumba icine cine ni shimapepo; ena ni kemininako wapakati. Eico, ngacakutila shimapepo, muli fyonse filya ifyo afundwa mulya muyakwe, mu seminale namu fikulwa fyakwikalamo ba membala, umuntu waba necishinka icashika alanda bwinofye cilya ico afundwa.

<sup>17</sup> Ukuba, nomba, Ine nshakwata icakwishiba nangu icikulwa cakwikalamo icaishibikwa, kabili tapali ica kupinkana neco nakalya, lelo Nalikwata ubwikashi ubwaibela.

<sup>18</sup> Naitilwe ilyo Nalifye umulumendo umunono. Kabili muli ici mwali icalemoneka, icishibilo icaleumfwika icapelwe kuli ine, i—i Ntumba ya Mulilo iya leselela mucimpusa, pa myaka yakufyalwa cine lubali, muno mwine pa Utica Pike. Bataata balebomba kuli Mista O. H. Wathen ulya uwafwile nomba line. Kabili imwe mwalibelenga ibuuku mwalishiba ilyashi. Kabili ukufuma pali ilya nshita. . . Ukuya kulya ku numa na nomba Yena yalemoneka pambilibili ku bantu. Kabili nomba Yena yalikopelwe mu cikope, imiku iingi, kabili cena calibikwa mu Washington DC, nge caambulwa, mu Religious Hall of Art, nge camaka yacilamo Ukuba cilya ico na science yashininkisha mu kukopa icikope; Intumba ya Mulilo imo ine namuli yonse inshila, ilya iyafumishe Israeli mu Egypto. Nincetekela Ni Yesu Kristu mumibele ya Mupashi, mu Bwana bwakwa Lesa.

<sup>19</sup> Pantu Balemwita “u Mwana wa muntu” lintu Aishile mukubalilapo, nomba Ena etwa “u Mwana wakwa Lesa,” mu myaka Ikana limo Aketwa “u Mwana wakwa Davidi.” Akesaba u Mwana wa muntu, Kasesema, nga fintu calandilwe palwa Ena; nomba Ali Mwana wakwa Lesa, mu maka yakalamba; mu myaka Ikana limo iikalamba iyo iili nokwisa, Ena akaba Mwana wakwa Davidi, ukwikala pa cipuna cakwa Davidi. Nga fintu bonse ababelenga Baibele baishiba ukuti ukuti cilya bulayo bwa Maka pamo na Lesa, kuli Davidi, Ena akemya u Mwana wakwe ukwikala pa cipuna cakwe.

<sup>20</sup> Kabili nomba mucakusungusha, ubupyungishi bwaibela, Ine nalitwa ifili fyonse ukufuma kuli “Les” ukufika kuli “ciwa.” Kabili ico, cena cabafye lyonse muli iyo ine nshila.

<sup>21</sup> Ifi eflyo uyu umukalamba waku chalichi caba Katolika alandile kuli ine ubushiku bumbi kulya, ukulanshanya kwali ukwakuti, atile, “Munyina Branham, Yohane Kabatisha bwino bwinofye ailangishe umwine mu Malembo, nga fintu kasesema Esaya alandile.” Atile, “Ubupyungishi bobo bwalilangwa bwino bwino mu Chalichi.” Atile, “Ba Lutherani baliba mu Baibele.” Ena atile, “ba Lutherani baishibe Luther. Ba Wesley baishiba Wesley. Lelo nga ba Pentecosti?” Atile, “Bena bendaukafye. Tabaishiba ukwakuya.”

Kabili Natile, “Mukwai, Natotela ico.”

22 Kabili yali ni ilya nshita ilyo u Mupashi waponene pali namayo, tatalile amonapo ine, umukashi wakwe. . . ukulanda nokwishiba ifintu fimo fine.

23 Nomba, ukubafye uwacishinka, ilyo Nshilalanda ino Mbila muno lucelo, Ine nshishibe. Ine nalimwebele, Natile, “Mukwai, Ine teti nande ifyo. Ico cintu icikalamba icakulanda. Cilemoneka kwati cena.”

24 Icintu cimo ico Naishiba, cakutila kuliko icintu cimo icacitika, icine cine. Ifi fintu fyonse, fye, fyena fyalishininkishiwa na science, kabili ifya shininkishiwa ukushinguluka isonde, cena teti cibefye icakutunganya. Cena Cine. Cintu nshi ico? Lekeni nande, mukutumbula, ilyo Nshilalanda kuli imwe muno lucelo, Ine nshishibe. Kabili Nshingalanda ico icinga nenga ukusela ukulikonse mpaka Naumfwa ukufuma kuli Ena uyo uulanda kuli ine nakukale kabili ena uunjeba ifi fintu.

25 Ibukisheni, Shikulu wesu Yesu Kristu tatalile ailangishapo umwine Palakwe ngo Mwana wakwa Lesa. Atile, “Imwe Naine twali; ukufika napali inonshita Nalifyelwe,” kabili nefyaba ngefyo, lelo Tailangishe umwine Palwakwe.

26 Kabili, nomba, ilya yali ni Ntumba ya Mulilo iya tungulwile abana bakwa Isaeli, ali ni Shikulu Yesu Kristu mumibele ya Mupashi, (imwe mwacetekela ico?), u Mweo uushifwa uwafumine muli Lesa.

27 Kabili lintu Aali pe sonde, Atile, “Nafuma kuli Lesa, kabili Ndi nokubwelela kuli Lesa.” Bonse twalishiba ico.

28 Kabili panuma yamfwa Yakwe, ukushikwa, nokubuka kubafwa: Shauli uwaku Tarsus ali pabulendo ubwakuya mu musebo bwakuya ku Damasko, ukuya mukupakasa abena— abena Kristu, pantu balefundisha ifintu ifyapusanako kufyo bafundilwe. Kabili aali umuntu umukalamba uwabulwi; pesamba lyakwa Gamaliyo, umo pali bakafundisha balya abaishibikwe muli bulya ubushiku, mwi sukulu lyabo, mucikulwa cabo bekalamo bonse; kabili umuntu umukalamba, kabili umubomfi wamu chalichi. Kabili cena cali palya pene ukuti u Lubuuto ulukalamba, i Ntumba ya Mulilo nakabili, yamuwishishe panshi, munshita yakasuba pakati. Kabili ne Shiwi lyatile, “Shauli, Shauli, cinshi ico ulempakashila Ine?”

29 Nomba nga kuti mwamona lintu Paulo, uwali Shauli, aimine, atile, “Shikulu, Nimwe Bani?” Nomba, ulya umulumendo, pakuba umu Yuda, icine cine nga tamwitile icili conse, kano cena ico icintu icali icishibilo icakwa Lesa, ena nga tamwitle “Shikulu.” Eico, Yena yali ni Ntumba ya Mulilo imoine.

30 Nga fintu Yesu atile, “Ndeya kuli Lesa. Nafuma kuli Lesa, kabili Ndebwelela kuli Lesa.”

31 Mwamona ifyo Aali, kunumako kulya mumibele ya Ntumba ya Mulilo nakabili; Atile, “Nine Yesu Untu iwe ulepakasa; kabili cena cintu cakosa kuli iwe ukupanta ficilasa.”

32 Kabili ifwe tuleiluka ukuti lintu Umutumwa Petro, kuli untu imfungulo shapelweko ishaku kula i Chalichi, tulesanga ukutula ena ali mucifungo, kabili iyi Ntumba ya Mulilo imoine yaishile nokupita mufyela, nokwisula ifibi fya mucifungo, kabili cafumishe Petro kunse, palya pene, ukwabula ukubusha malonda. Kuli ine, Cena ni Yesu Kristu uwaba cimo cine mailo, ileelo, no muyayaya.

33 Kabili nomba imwe lyonse muli nokwishiba icintu conse ukupitila mucifyalilwa caciko. Icintu conse cishibikilwa kwi shina lyaciko, necisabo citwala. Kabili Ndeipusha imwe ukumona umusango wacisabo Cena catwele, ulu u Lubuuto ululi ni Yesu, pantu cena lyonse Cibwelela ku Cebo cakwa Lesa, nokushininkisha i Cebo cakwa Lesa, cishimikila i Cebo cakwa Lesa, kabili na Lesa alashininkisha cilya i Cebo mufyakubomfya kuli iwe. Pafwile pabako icintu cimo icili kunuma ya Ico.

34 Abantu beta ine kasesema. Ine nshi ita ine palwandi kasesema, pantu Ine nshifwile ukulanda ico, lelo Naliba... Ukulanda, Ine kuti nalanda ici, ukuti Shikulu alilenga ine ukumwena kalibela ifintu, ukulanda ifintu ifya citika, ifili nokucitika, nefile citika, kabili takwabako inshita nangu imo apo cena cafilwa, mumakumi yamakanana ayanshita. Ifintu fyonse ifyo ena Alandile ukutula fili nokucita fyalicitika. Bonse twalishiba ico. Nga kuliko umuntu muli lino ibumba ililipo muno lucelo, nangu kuncende yonse, uwinga landa ukuti ico califilike, iwe uli umuntungwa ukwimininako nokulanda ico. Lelo nga cakutula umuntu onse naishiba ukutula inshita yonse mumiku amakana, ukutula cena caliba icalungama bwino bwino, landeni, “ameni.” [Ulukuta lwatila, “Ameni!”—Kale.] Mwamona? Eico ico cili nokuba icintu cimo cine ukushinguluka isonde.

35 Icintu cimo cilifye mupepi nokucitika. Lesa takatale atuma ifintu ukwabula icintu cimo icakwimininapo kunuma.

36 Naciba ndetontonkanyafye pali ici pano. Nacicibika pano, apo ndembele amashiwi. Ukutula Nimfwala muno lucelo, ifiyengele fyakumaboko... Kabili imwe mwebengi mwalyumfwa pali uyu kangala wama filimu, Jane Russell, na nyina wakwe ni Pentecosti; na Danny Henry mufyala wakwe, mufyala wakwe uwafuma muli bana lume, umwana wamuli bankashi baba nyina. Ena aali ni Baptisti. Aiminine mu mitingi, napali mitingi yaba Shimakwebo Baume mu Los Angeles, ku California, imyaka ibili iyapitapo.

37 Kabili Naine nafuminefye mukulanda pamukalamba, uwamaka nganshi, uwalandile imilandile yamu maka, ukuti nangufye nikangalila, umo pali bakangalila abangalila bonse

abamu Assemblies of God, aikile pacintamba ukufuma pafipuna fyapa muulu apo aikele, kabili atile, “Ine nshacetekela ico Munyina Branham acipilibula.”

<sup>38</sup> Natile, “Mfwile naciposako amano, mukwai. Cena cili EFYA SOSA SHIKULU.” Kabili, nomba, cena cili palwa chalichi muli ino nkulo.

<sup>39</sup> Kabili mupepi nailya nshita, uyu umusepela uwaba shimakwebo. . .Munyina wakwe ali kulya. . .ena eko alekopa ifikope ifyapa mulabasa wafikope lulya ulucelo, munyina wakwe umbi aba—aba uwakulolekesha pamisebo mu California. Kabili Danny Henry aendele ukuya kuntanshi panuma ya mitingi yapwa, pacintamba, kwati *ngefi*, apo abantu bonse baikele, aendele ukwisa nkumbatila amaboko yakwe. Kabili alandile aya amashiwi, “Munyina Branham, Ndesubila ici ciumfwika kwati cintu cabulamo umucinshi, lelo,” natile, “ukuti limbi kuti casangwa muli chapitala 23 uwa mu Kusokolola.” Iyo, mwabafye ama chapitala amakumi yabili na yabili mu Kusokolola. Ena atile, “Ndesubila ici tacileumfwika kwati cintu cabulamo umucinshi.” Takwete nafimbi ifyakulanda ukucila pafyo alandile. . .Nomba, ulya mulumendo ali ni Baptisti, kabili taishibepo nangu cimo pafya maka yacilapo. Nabika namaboko yakwe pali ine ukushinguluka, atampile ukulanda mululimi ulushaishibikwe.

<sup>40</sup> Kabili lintu alekele ukulanda mululimi ulushaishibikwe, kwaliko—kwaliko uwainisha, umwanakashi uwafitulukila uwaikolefye kuntanshi yandi, aimineko, atile, “Ico tacilekabila ukwilulwa ukuli konse.” Ena atile, “Nafuma ku Shreveport, Louisiana, nangu, Baton Rouge, Louisiana.” Atile, “Ico ci French icapwililika.”

<sup>41</sup> Victor Le Doux, uyo uwali umuntu umu French, naena uwaikole palya, atile, “Icine cine, Ndi muntu umu French, kabili neco caciba ici French icapwililika.”

<sup>42</sup> Natile, “Lolelako pali mineti imo. *Iwe* lemba ifyo alanda, kabili *iwe* lemba ifyo alanda, ilyo tamulalandapo icintu icili conse. Lembam ifyo ena alelanda, kabili lekeni tumone ifyo mulembele.” Kabili eico umu alembele, naumbi alembele, cena califye icapalana namukutusha kwamisela.

<sup>43</sup> Kabili nombafye mupepifye nailya inshita, lintu bena baletete ifyo balembele, umusuma-mukumoneka uwamishi yakashikilila aishile ale enda ukufuma kunuma. Apo, tapali incende iyakuti ena engekalapo; aiminineko kulya kunuma. Aishile aleenda ukwisa kuntanshi, atile, “Mpenikofye akashita akanono, Ndefwaya ukusha akapepala ako nembelepo, pamo.” Atile, “Ine nine kelula wamu ci French kuli ba U.N., United Nations.” Ena atile, “Ndefwaya ukusha akapepala ako nembelepo.”

44 Kabili, pano, utupepala tonse tutatu tulelanda cimo cine, mucu French. Kabili ifi efyo tulebelengwa. Aka ekapepala akakubalilapo akacilembwa, ifyacilembwa palya pene pakapepala. Aka ka pepala kaka Danny, palwakwe, acikabika mwi tumba. Ifyo fine, efyo kalandilwe mwi bumba lya bena Kristu Bashimakwebo Baume, nefyaba ngefyo.

*Pantu iwe wasala inshila yakamfyemfye, inshila iyakosa; iwe wenda munshila yobe iyo wasala, Iwe wabula ubusalo ubwalungama kabili ubwaiminina, kabili yena NINSHILA YANDI.*

*Pamulandu waubu ubusalo ubukankala, icipandwa icikalamba icamu Muulu cilekulolela. Webusalo bwabukata ubo iwe wapanga!*

*Ici palwaciko nicilya icikesa fikilisha kulya ukucimfwa ukwabukata muku Temwa Ukwamaka.*

45 Nomba, ulya muntu nalemba ishina lyakwe pano, “Ukulanda ukuli pamuulu apa kwapilibwilwe na... Danny Henry ukusesema palwakwa Munyina Branham, kabili nokupelwa nente shitatu mulya balila mu Los Angeles, ku California.”

46 Nomba, uyu umu wine umwaume umusepela uyo uwapele ubu ubusesemo, ena taishibepo neco alelandapo, ali mu Yerusalem pamweshi umu uwapitapo. Alikwete inshita iyakuya kabili—kabili nokulala munshishi umu Yesu afwile nokushikwa. Kabili eico ilyo alele mulya, atile kwaisa kuli Ine mumano yandi ili itontonkanyo ilya maka kabili atampile nokulila. Atile, “Ifyo caba icamukosela Munyina Branham ukwiminina ukukanako kufya mwi sonde nefi fintu, nama chalichi yonse!”

47 Kwati fintu cena—cena calandilwe pamuku umu, palubali lwakwa Billy Graham, atile, “Tulamona Billy Graham, pantu ama chalichi yonse yaba ayaikatana pamo kuli ena. Tulamona Oral Roberts, uwamu Pentecosti. Lelo nimumusango nshi twinga kwatilamo icintu icili conse lintu Cena caba icapusanako kucu abantu bakwata bafundwa?” Cena ni Lesa.

48 Kabili Danny, ico acita munshita yakutusha, alapanga utumabwe utunono. Ena aendele ukuya palya apaba ica Pindama apo cibikwa, apo bena batile ica Pindama cabikwa mucilibwe. Tapali nangu umu uwalipo, eico ena atobeleko icipandwa icinono icelibwe nokubika mwitumba lyakwe nge cakwibukisha, kabili aishile ku ng’anda nokumpangilamo ifiyengele ukufuma kuli cena. Kabili, mucakusungusha, lintu ayapangile, yamoneke aya tonaikwako umulopa. Napali yonse pali cila imo pali yena, mukutwalilila, mwali akashila, akanono akapitile muli yonse yabili. Nomba ico kuti cabafye kwati... Mwamona, umuntu umu limbi teti amone nokumona ico, lelo ico cilifye icapalana neco Nacetekela. Nacetekela ukutila icintu conse calikwata ubupilibulo kuli cena.



49 Kabili nomba, muli ino nshita, conse ico Shikulu akwata . . . Nga cakutila ici tacili nicilya ico Ena asesemenepo, muli Malachi 4 kabili cena pamo namuli Luka 17, na Malembo yambi ayengi ayo ayali nokucitika muli buno bushiku bwakushalikisha, lekeni Nande ici mukwisalila, cena calibika umufula wa muntu lintu ali nokwisa. Eico Ndi uwatotela apakalamba ukutila Lesa wa Maka yonse, nga cakuti caba muli iyo nshila, alinenga ine ukucita icintu cimo icinono, mumibele yandi iyakukana sambilila, ukulangisha ukutotela kwandi pakutemwa Kwakwe kuli ine, ukutemwa kwandi kuli Ena, kabili nokutemwa kwesu ku bantu.

50 Eico, mucishinka, Napalamina kuli ili sambililo ilya *Cupo No Kulekana*. Lekeni Lesa akwate uluse pali ifwe bonse.

51 Kabili nomba kutikisheni bwino. Kabili, ba nkashi, mwi ima no kufuma; ikaleni tondolo pa kashita akanono. Bamunyina, citeni cimo cine. Mwishimya ifilimba fyenu kulya, ifyo ifileisa ukupitila muli ici icakwikatanya. Tamufwile ukucita ico. Mwikalekofye pama mineti ayanono, mpaka cena cipwe. Kutikeni bwino. Nga cakutila mwakana ukusuminako, lembeni Amalembo ayo Ndebomfya, kabili muyabelengemo Yena ninshi mulepepa ilyo tamulati mupange ubusalo.

Lesa, twafwilisheni lintu tule esha ukupalamina kuli ili isambililo.

52 Nomba, limbi lyena lyalalepako panono. Nshilefwaya imwe ukuba mukwangufyanya ukuli konse. Kabili twi angufyanya, ifwe bonse, kabili belengeni i Cebo cakwa Lesa, icine cine kabili bwino bwino, nga fintu twaishiba ukubelenga Cena.

53 Katutendeke na Mateo Washila, icipandwa ca 19. Kabili ukutendekela, Ndetontokanya, na versi ya 8 ya cipandwa 19, Ndefwayo kutampa. Limbi nalatampila ne lya 1 kabili no kubelenga mpaka pa versi ya 8 ya cipandwa 19.

54 Nomba, ibukisheni, ifi fintu ifyo Nsosa filingile ukufuma mu Cebo cakwa Lesa. Tekuti cibe amatontokanyo yandi ne mwine, pantu amatontokanyo yandi yabafye nga aya muntu uuli onse. Lelo cilingile cabe catwalilila ne Cebo cakwa Lesa. Ibikusheni, Lesa alasunga ifili fyonse mukutwalilila. Ena tapilibuka. Aba cimo cine mailo, ileelo, no muyayaya. Bushe mulecetekela ico? Aba cimo cine.

55 Nomba Nalabelenga ukufuma mu cipandwa ca 19.

*Kabili caishile citika, ukutila ilyo Yesu apwile ukusose fyebo ifi, afumine mu Galili, no kuya ku mipaka ya Yudea kwi shilya lya Yorodani;*

*Kabili amabumba ayakalamba yalimukonkele; nao alibomdepe . . .*

*Aba Farise baile kuli wene, balemweshwa, . . .*

56 Naimina apo pakutila mwingomfwa ukukomaila pali abo abale Mwesha.

*. . . no kutila kuli ena, Bushe calisuminishiwa umuntu ukuleka umukashi wakwe pa mulandu onse?*

*Kabili nao alyaswike no kutila kuli bena, Bushe imwe tamwabelenga, ukutila uwabalengele pa kutendeka abalengele umwaume no mwanakashi,*

*Kabili atile, Pa mulandu wa ici umwaume akasha wishi. . . nyina, no kulambatila ku mukashi wakwe: kabili aba babili bakaba umubili umo?*

*Eico tababa nomba babili, lelo umubili umo. Eico ico Lesa alundenye, umuntu nangu umo e lundulula.*

*Batile kuli wene, Nga mulandu mshi Mose aebele ukupela kalata wa kulekana, no . . . kumuleka?*

*Kabili Atile kuli bene, ni pakukosa kwa mitima yenu Mose amusuminishishe ukuleka abakashi benu: lelo tacali ifyo ukufuma pa kutendeka.*

Nomba, Lesa, twafweni.

57 Aya Malembo, ili lipusho, lyaletelwe kuli Yesu pa ntendekelo fye ya bukapyunga Bwakwe. Kabili lyaletelwe kuli Mose pakutendekafye kwa bukapyunga bwakwe. Lyaba lipusho ilikankala mu mitima ya bacetekela. Umubembu ena tasakamana. Lelo lyaba ku bacetekela, pantu uwacetekela alesha ukucita fyonse ifyo aishiba enga cita ukwikala mucalungama kuli Lesa. Eico lyena, ilipusho lyonse nga lyaletwa pali bukapepa, ninshi umulandu wa *Cupo No Kulekana* waisapo. Mulandu nshi? Pantu ecalengele ulubembu lwacishinte. Kulya eko ulubembu lwatendekela. Kabili e mulandu wine lilaletwa inshita fye yonse, pantu epo ulubembu lwatendekela.

58 Nomba Nshakwate inshita iya kulondolola ifi ifintu fyonse, lelo Nkaba uwansansa ukwasuka inkalata yenu nangu icili conse ico Ningacita. Nangu, twalikwata amabuku ayalembwa pali ico, na mepusho ayengi, kabili nefyafumishiwa mwipepala lye lyashi ne fintu kuno, ku kushininkisha ici, twaliishiba ukutila cali ni Efa (I apple ilyo alingile ukulya, pantu tacaba na mu Malembo, nomba basosa ukutila cali ni apricot; tacali nangu cimo pali ifi.), alicitile ubucende, ubwaletele umwana uwakubalilapo, uyo uwali ni Kaini, umwana fye wakwa Satana, pantu muli ena mwaikele ububi. Tabwaishile ukupitila muli Abele. Umwana wakwa Satana ali ni Kaini.

59 Ninjishiba ilipusho lyenu nomba, “Efa atile, ‘Ni mpokelela umwana ukufuma kuli Shikulu.’” Ico cintu cishinka nganshi.

60 Kuti mwasenda umwanakashi uwakowela nganshi mu musumba, no mwaume uwabipisha; nga cakutila bali kwete umwana, alingile ukwisa ukufuma kuli Shikulu, pantu Lesa alibika amafunde capamo. Kabili aya mafunde, nga akasuba

pa kutula; nga mwabyala cocklebur mu cilime cisuma, ili nokumena. Kabili ilingile ukukula, pantu lifunde lyakwa Lesa. Ilyo imbuto yabyalwa, ilingile ukumena. Kabili takuli uwingapela ubumi kanofye Lesa, pantu bubombela ukupitila mumafunde Yakwe. Eico lintu ulubuto ulubi lwabyelwe munda ya—yakwa Efa, lwalifyelwe, pantu lifunde lyakwa Lesa ilya kufyalana. Kabili tapali nangu cimo ico yali nokucitapo, lelo ukuileta, kabili yalingile ukufuma kuli Lesa.

<sup>61</sup> Uyo e mulandu wine abantu basosela ukuti, “Abana abanono,” inshita shimo, “abashafyalwa ku bafyashi abena Kristu, baliluba.”

<sup>62</sup> Umulopa wakwa Yesu Kristu ulakonsolwela akanya, Nshilesakamana umusango kafyalilwemo kabili ububifi kafyalilwemo. Ena ni mwana wa Mpaanga wakwa Lesa uusenda ulubembu lwe sonde. Umwana umunono tekuti alapile, pantu takwata nangu cimo icakulapilapo, kabili lulya elwali ulubembu lwe sonde ulu ulwasendelwe no Mulopa wakwa Kristu. Utunya tuya ku Muulu.

<sup>63</sup> E lubembu lwapakutendeka, kabili e mulandu wine ca—cakwatila ifipusho. Ilyo icintu cikalamba icakupapusha caisa ukufuma kuli Lesa, pa cintu ca kubalilapo, “Nga pa cupo no kulekana?” Nomba, nga lyonse, na nomba licili lipusho pakati ka bantu. Nga filya cali mu nshita yakwa Yesu, nga filya mu nshita yakwa Mose, lyonse efyo caba, kabili ne lelo efyo cili, ilipusho pakati ka bantu, pantu abantu bafwaya ukwishiba Icine.

<sup>64</sup> Lelo apo apali ilipusho, palingile paba no bwasuku. Kabili nomba pakubapo ubwasuko, ngefyo Nasosele, uno mulungu, kulingile kwaba ubwasuko ubwalungama. Kabili nga twakwata ubwasuko ubuli bonse ku cili conse, kabili ta—tabuli ubwalungama, ninshi twaishiba ukuti bwali ubwalubana. Lelo kwaliba, nalyo line kuti mwaipusha mpaka ubwasuko ubwacine bwaasukwa, nga mulefwaya ukwishiba Icishinka. Kabili ili pakuba ilipusho lya mu Baibele, cilingile ukuba ubwasuko ubwa mu Baibele.

<sup>65</sup> Cili ngefyo Nsosele, nga Nacilafwaya ukuya kukabanga muno lucelo, kabili mu busuma ubo Naishibilamo ici, Nacilinga ukusanga icintu cimo mwibala, kabili icaloshafye ukutonta ku kabanga, kabili Ine kuya kukabanga. Umo acitila, “Munyina Branham, *uku* e kukabanga.” Ni kukabanga, panono, lelo ni pakati ka kukapinda ka kulyo na kabanga. Kuti naciluka icintu cilya cine Nacilafwaya; kuti Nabweluluka, ukwishiba ukuti caciba icalubana. Elyo kabili nga cakutula umu atila, “Munyina Branham, kabiye *uku* lubali, ku kulyo kobe.” Nomba, ico cili panono ku kabanga, nako, lelo ni pakati ka kukapinda ka kuso na kukabanga. Kuti nalufya icintu cilya ico Ndefwaya, pantu ninshi Nimpitilila mu mipaka sha nshila iyapwililika kabili ilingile.

66 Nomba, nga cakutila ico caba muli uyo musango, natukwata ukusambilisha kubili pa *Cupo No Kulekana*. Kabili neci nici, imo pali aya itila, ukuti, “Umwaume kuti aupafye umuku umo, kano umukashi wakwe nga afwa.” Kabili ilyo elipusho limo pali aya, lelo, nga mwaya mulekonka cilya, ninshi mwafuma munshila. Elyo kabili limbi lyatila, “Oh, nga cakutila umukashi nangu umulume, umo pali aba, acito bucende, umo pali bena kuti alekwa no kupwa nakabili.” Muli no kuisanga mwebene ukufuma mu nshila neco.

67 Eico, mwamona, limbi kuti caba pakati ka kukapinda ka kuso na ku kabanga atemwa pakati ka ku kapinda ka kulyo na ka ku kabanga; tulefwaya ukutonta fye ku kabanga. Teti mukwate Amalembo nga mwaya *uku* lubali, teti mukwate Amalembo nga mwaya ulubali lwa *kulya*. Tulefwaya ukwishiba apo Amalembo yakumanya Amalembo, kabili no kwishiba ico icaba Icine pali cena. Yonse yatwala munshila ishapusana, nokufilwa ukuleta ubwasuko ubwalungama, lelo kulingile nelyo line kwaba ubwasuko.

68 Cabafye kwati, ileelo, kwaliba ama sukulu ayakalamba yabili ayasambilisho lukuta; limo pali aya ni Calvinism, naimbi nayo ni Armin- . . . Arminianism. Limo pali aya lyaba kapela we funde, limbi nalyo lyaba ni nkumbu. Kabili tulesanga ukutila abantu abacetekela mu nkumbu, ba Calvinist, batila, “Lesa Apalwe, tacinkalipa ukupeepa fwaka. Tacinkalipa ukunwa. Kutu nacita ifi fintu, Nalikwata ukucingililwa ukwa Muyayaya.” Elyo tulesanga kulubali lumbi, kuli kapela we funde, atila, “Oh, Ndefwaya ukumucimfya, Ndefwaya ukumulangisha yamo amano yandi, lelo, Ndi mwina Kristu, Ningile ukuba fino fine.” Mwamona, muli no kuisanga mwebene pa misebo ibili iya pusana, kabili tapali nangu imo pali shena iyalungama. Nomba, caliba icakosa ukusosa ifyo, lelo cena caba e cishinka.

69 Tuleisanga fwebene pa nshila shibili isha pusana; imo, ileya kumbi; imo, ukupusana kuinankwe. Nomba natumone ico icili i Cine.

70 Nomba kutikeni, kabili mumone nga cakutila cileumfwika icamano ici kuli imwe. Nga cakutila cali fi, nga Naipekanya ukuya ku fyalo fya kutali, Kabili nkasenda ulupwa lwandi, Ndi nokwita umukashi wandi ukwisa kuli ine, kabili Nokusosa, “Tuli noku- . . . Ndeya kufyalo fyakutali, wemutemwikwa.” Nomba luno lubali lwa bakapela wa mafunde, “Nomba, mukashi wandi, Nalapela ifunde kuli iwe! Nga bakulansha ku mwaume uuli onse ilyo Nsha kabepo, ilyo Nkabwela ukaba umwanakashi uwalekwa. Kabili Nshilefwaya iwe ukukwata ulwinso, nshilefwaya iwe ukulanshiwa! Uleumfwikisha ico? Ndi umulume obe! Nga wacicita, Nkakuleka ilyo Nkabwela.”

71 Elyo nao apalama no kunjikata pankolo, nokusosa ukuti, “We mulume wandi musuma, Ndefwaya nkwebe icintu

cimo, wamona, wamona, ukutila nga ukakwata ulwinso pa mwanakashi uuli onse, nangu ukwenda no mwanakashi umbi, nangu ukulansha umwanakashi uuli onse, ukaba umwaume uwalekwa ilyo ukabwela.” Nomba, bushe iyo tekuti ibe ing’anda iyansansa? Abo ni bakapela wa mafunde. Cisuma.

<sup>72</sup> Nomba, kulubali lumbi kuli, ukutila nga Naya ku fyalo fya kutali Nokupanga icilubo. . . Ukuya kulya no kutila, “Nomba, lolekesha, Ndi no kusenda *uyu* mwanakashi no kuya nankwe. Oh, cili fye bwino ku mukashi wandi, tasakamana.” Umukashi wandi atila, “Ndi no kuya *noyu* mwaume. Cilifye bwino kuli Bill, tasakamana.” Nga Nshisakamene, ninshi kuli icintu cimo icilubene naine; Nshatemwa ulya mwanakashi mucishinka. Kabili nga talesakamana, kwalibako icintu cimo icalubana na ena. Mukashi wandi; Nshilefwaya umwaume umbi ukwangala nankwe. Mukashi *wandi*.

<sup>73</sup> Nomba, inshila iyalungama iyacilya, niyi, caba pali bonse babili nabakwata icine, lelo te Cine icapwililika.

<sup>74</sup> Nomba nga Naya kufyalo fya kutali, ku kucicita mu nshila iyalungama, ulupwa lwardi ulunono lulalongana, kabili tulapepela pamo umu no munankwe. Kabili Ndababika kuli Lesa, kabili na bena balambika kuli Lesa. Kabili ilyo twapwisha, tulaya ku fyalo fya kuta. . . Ndaya kufyalo fya kutali. Nomba, Naliishiba ukutila alintemwa; Nalikwate subilo muli ena. En-. . . kabili Nali mutemwa; ali kwata isubilo muli ine. Epofye Ndi uwamutemwa ngefyo, takwata ukusakamana pali ine ukusenda umwanakashi umbi ukuya nankwe. Epofye aba uwantemwa mu cishinka, cinshi, tapali ukukabila kuli ine ukutontokanya pa mwaume uuli onse ukuya nankwe, pantu ena mukashi wandi kabili Nali mucetekela.

<sup>75</sup> Ndecetekela, nga cakutila Nalicitile icintu cimo icalubana, ukucite cilubo nokuya no mwanakashi umu, kabili nokubwela kabili ukwisa lapila pali cena kuli ena, no kumweba, “Meda, Nshapilibwile ukucita cilya. Naiketwefye mu citeyo; yu mwanakashi ambutukile fye no—no kunjikata pa kuboko, kabili atendeke *ici-ne-ci*,” Ndecetekela kuti aba uwakumfwa. Ndecetekela kuti ambelela uluse pali cena. Lelo tekuti Ncicite, apabula umulandu, pantu Nalimutemwa. Nangu kuti ambelela uluse, tekuti Ncicite. Tekuti mukalifye, apabula umulandu. Nangu Nalishiba ukutila kuti anjelela pali cena, Nshilefwaya ukumukalifya.

<sup>76</sup> Kabili uyo wine emusango cabelamo pamo na Lesa. Nga cakuti Ine. . . nga cakuti ukutemwa kwa *phileo*, uko ukwaba ukutemwa kwa buntunse, ukutemwa kwesenge, ifyo kuti fyalenga umwaume ukukwata ukumfwa palwa mukashi wakwe; nga palwa ukutemwa kwa *agapao* ishiwi lyaci Greeki lipilibula “ukutemwa kwakwa Lesa,” nimumusango nshi ico cingalengelamo ine ukucita palwa kwa Yesu Kristu? Ine, apo

Ndefwaya ukucita ico, cena cili mu mutima wandi ukucita ico! Nangula . . . Nalanda, apofye cena cili mu mutima wandi ukucita ico, Ine kuti naya nokucita ico. Amafunde teti yanenge ukucita ico, nipamulandu wakutila Ine ninjishiba kuti Nakandwa pakucita ico. Lelo icine Icituntulu pali ico cili, lintu ukutemwa kwakwa Lesa kwaisa mu mutima obe mpaka *wafwaya* ukucita Ico. Ico e Cine pali ico. Pali amatontonkanyo yabili. Tefyama funde nangu cimbi, nangu ifyakwa Calvin, cena nifyonse fibili.

<sup>77</sup> Nomba tulesanga ileelo ukuti, pamo, kuli ifilonganino ifingi ileelo ifyalekana lekana. Kuli i chalichi caba Katolika, ichalichi caba Protestanti. Cila cimo cilanda ukuti bena e Nshila, mwamona, “Ifwe twalikhwata Inshila, ifwe nifwe Iicine.” Kwaliba ba Methodisti, batila, “Ifwe twalikhwata i Cine.” Ba Baptisti batila, “Ifwe twalikhwata i Cine.”

<sup>78</sup> Ukuba, kuli ine, apo bena bacumfwila muli iyo nshila, cena tacaba ifyo, pantu Yesu atile, “Nine i Cine.” Mwamona?

<sup>79</sup> Eico, ngefyo isambilisho lyandi lyali ubushiku bwafumineko, ukutila Ena ecifulo apo Lesa abika i Shina Lyakwe, icifulofye cimo icakupepelapo. Iwe tauli umwina Kristu pamulandu wakutila iwe niwe Protestanti. Tauli umwina Kristu pantu iwe niwe Katolika. Iwe tauli umwina Kristu pantu uli Methodisti, Baptisti, nangu Pentecosti. Iwe uli mwina Kristu pantu walibatishiba muli Yesu Kristu, no Mupashi wa Mushilo, temu menshi. “Kwaba Icacetekelo cimo; Shikulu umo; ulubatishe lumo,” ico ekubatisiwa na Mupashi wa Mushilo. Ulubatishe lwamu menshi lukwingisha iwe mwi senge. Ulubatishe lwa Mupashi wa Mushilo lukwingisha muli Kristu. Ico e Cine.

<sup>80</sup> Twalikhwata pamo amatontonkanyo yabili palwa *Cupo No Kulekana*. Nomba, ukuti, Shikulu wesu alisula icankama caci Kakatikilo calenga-Cine lubali ica Cebo Cakwe kuli ifwe, muli shino nshiku shakulekelesha. Nomba, imwe mwebengi, ici kuti caba ici Greeki kuli imwe, lelo ichalichi candi cilakutuluka. Ukupitila muli cinshi? Kabili mwalyumfwa pafimonwa nefya citika. Kabili nelipusho lipusho lyamu Baibele, natwitwa ifwe pano pakucetekela kufwile kwaba ubwasuko ubwa cine kucankama conse icafiswa ico icafiswa ukutula ilyo umufula we sonde taulabako. Kabili nobusesemo bwamuli Baibele nokulanda ukuti muli ubu ubushiku ifi ifyankama fili nokwishibikwa. Ukusokolola 10, “Kabili pakulanda kwakwa malaika uwalenga cine lubali, inkombe yaku Laodekeya, ifyankama ifyakwa Lesa fikalengwa ukwishibikwa.” Kabili ino e nkulo yakushalikisha iyo iili ni Laodekeya.

<sup>81</sup> Lolesheni pali uku ukupuputulwa kwalitwalililapo pamyaka ikumi naisano nangu ukucilapo, kabili tapaba icilonganino nangu cimo icafuma muli ico. Luther alikwete ukupuputulwa mwafumine icilonganino; Wesley, mwafumine icilonganino; Alexander Campbell, mwafumine icilonganino; bonse aba

abakalamba bambi. . . John Smith nababa ngefyo, mwafumine ifilonganino, Moody, munshita shonse. Lelo pano paba cimo. . . Ilingi line ukupuputulwafye kusenda kwati imyaka itatu. Lelo ici calitwalililapo ukucila pamyaka ikumi limo naisano, kabili tapaba icilonganino nangu cimo icafumamo muli ico, pantu iyi ni nshita ya Lubuto. Takufwile nakabili ukuba ifipaapa; kabili panuma yacipaapa cimo cafuma, icibapo Lubuto.

<sup>82</sup> Lesa ali uwaipékanya, nga cakutila Ena talecita ico, Ali nokufisha i Chalichi ku kupwililika ne Cebo Cakwe, Yesu Kristu. Moneni, kufwile kwaba ubwasuko ku ncende imo, kabili ukuba icakuti icankama caci Kakatikilo calenga Cine lubali icakwa Lesa, Ifikakatikilo Cine luali. . .

<sup>83</sup> Nibanaga baumfwa ico, imyeniko ukuboko kwenu. Lekenitumone. Ndetontonkanya abengi pali abo ba mulukuta lwesu ukushinguluka, kutikeni. Nga teifyo, ama buuku yali nokufuma nombaline, pali ili line isambilisho. Natukwata ama buuku, ama buuku yamo pali Ico nomba.

<sup>84</sup> Yesu, esambilisho lyesu, aletweba ukubwekelamo ku kutendeka, kubwasuko ubwacine ubwamu Malembo.

<sup>85</sup> Nomba, ilyo Ena bamwipwishe palwa ici, pali ifintu fibili pambilibili. Bashimapepo batile kuli Ena, “Bushe umwaume kuti aleka umukashi wakwe, nokupa umbi, pamulandu onse?”

Kabili Yesu atile, “Tacali ifyo ukutula ku kutendeka.”

Nomba batile, “Mose atwebele ukulemba amakalata yakulekana, kabili nokumutamfya pacintu conse ico balefwaya ukumutamfishapo.”

<sup>86</sup> Ena atile, “Ukuti, Mose acitile cilya pantu,” Nalalanda ico pakashika, “pamulandu wakukosa kwa mitima yenu; lelo ukufuma, nangu kulya ku kutendeka catali ifyo.” Kuli ili ilipusho!

<sup>87</sup> Ilipusho ileelo, kwati ngo mutende we sonde, “Bushe uleisa nefikansa fya calo, ukwampana kwapamo ukwa fyalo, nangu ukwikatana?” Ndelanda kuli imwe, iyo. Lyonse cena califilwa, kabili cili nokucita ifyo nakabili. Lelo pali ubwasuko ubwacine ubushele kulipusho, “Bushe kuli nokuba umutende pano pe sonde?” Ee, lintu ulubembu lukafumishiwa mukupwililika pe sonde, pali nokuba umutende. Lelo mpaka na ilya nshita, tapali nokuba umutende; “icalo cikemina icalo cibiye, kabili no bufumu bukemina ubufumu bubiye.” Lesa apele inshila iyakwafwa palubembu. Kutikisheni pepi pepi nomba. Lesa apele inshila yabwafwilisho iyakufumishamo ulubembu pe sonde, lelo umuntu wa pe sonde akene inshila yakwa Lesa iyakufumishamo.

<sup>88</sup> Lesa apele inshila yakwafwilisha kabili nenshila yakupilamo kwa bakashi besu nokwikala pamo nabena, lelo umuntu akene ukupokelela inshila yakwa Lesa iyakufumishamo ico, akene i Cebo Cakwe pali ico. Yesu alilandile ici. Kabili

ici ciletwibukisha palwa—palwa Fyebo Fyakwe, ukwishiba ukutila Ena alicilandile, “Imyulu na pesonde fili nokupona, fili nokupita, lelo Icandi tacili.”

<sup>89</sup> Ilipusho, ubwasuko ubo Yesu alefwaya ifwe ukubwekelako buli ifwe ukubwelelamo, ukubwelelamo ku kutendeka. Nomba, ico cifwile ukuba niku Kutendeka, pantu i shiwi lya *Kutendeka* ni chapitala walubuto kulipusho lyonse mu Baibele. Kabili iwe lyonse ufwile ukubwelelamo kunuma kulubuto ukumona umusango walubuto ifyo luli mwibala, ukwishiba ifyo ifisabo fyobe fili nokuba. Nomba, musango nshi uwalubuto ulwabyalwa? Ukutendeka, ukuba chapitala wa lubuto, tufwile twabwelelamo ku Kutendeka. Yesu aletulanga kuli lilya llembo, “kulya ku kutendeka.” Nomba, ibukisheni, ukuti lintu inshita yatampile ukubapo. Ilyo takulaba ico, cena cali Muyayaya. Nomba, ilipusho lyesu kulya lyali lyakuti, moneni, nga cakuti twabwekelamo ku kutendeka.

<sup>90</sup> Nomba mwifilwa ici! Kabili uyo wine emulandu Ndefwaila ukulanda panono panono, pakutila abantu abalekutika kufilimba, kabili icakuti ama tepu yali nokulaumfwikishiwa bwino.

<sup>91</sup> Nga cakutila Yesu atile, “Bwekelenimo ku kutendeka,” ninshi kwalifye ifintu fibili ifyacintu conse pe sonde. Kwali Adam umo, Efa umo, kabili baishileba pamo na Lesa eka. Kabalwe umo umukota, umulume umo; akasuku kamo akakota, nakalume kamo. “Ku kutendeka,” ngafintu Ena atweba ukubwekelamo, kwalifye ifintu fibili ifyacintu cimo. Bushe ico cacine? Nomba, tulesanga ukuti icintu conse “ku kutendeka” cale endelafye mu musango uwapwililika nokumfwana pamo na Lesa, takwali icishali mu mutande.

<sup>92</sup> Ifintu fyonse mu muulu ficilifye mu mutande; intanda shonse, ifipinda bushiku fyonse, imibombele yakasuba yonse, ifintu fonse fyabafye bwino bwino mu mutande. Cimo nga casela kuti capumfyanya ubutantiko bonse.

<sup>93</sup> Nomba kutikeni. Bushe mulemona? Ukucilinganya kumo kwaonaula ubutantiko bonse! Nomba, lintu abantu baleenda mukutwalilila pamo na Lesa, pamo no mwaume umo kabili nomwanakashi umo, uyu umwanakashi alibembwike kabili cena caposele bonse ubutantiko bwapesonde ukufuma mukutwalilila pamo na Lesa. Eico, ishiwi limo ilyabikwa kuli ili i Buuku, nangu i Cebo cimo ukufuma kuli Cena, citwala umwina Kristu ukufuma mukutwalilila pamo na Lesa, cifumya i chalichi mukutwalilila pamo na Lesa, cifumya ulupwa mukutwalilila pamo na Lesa. Uwacetekela onse kuti aposwa panse, pakukana pokelela i Cebo conse icakwa Lesa.

<sup>94</sup> Nomba, cali ni ulya umwanakashi ewalengele ukupatuluka ukwa ilya ng’anda iisuma. Cena tacali ni Kelubi uwasakamike i sonde. Cena tacali ni Adamu uwaposele ing’anda kunse.



Tacali cintu cimbi icaposele ing'anda kunse, nokuposa conse mukutwalilila, lelo cali mwanakashi, Efa. Kabili cena cili pano icakuti “ukutendeka,” kuntu Yesu alandilepo, kwalyonawilwe. Yesu atile, “Pa kutendeka, Lesa apangile icilume cimo, icikota cimo, kumusango umo.” Kabili nomba lintu uyu umwanakashi...te kabalwe umukota, tembwa iikota; lelo umwanakashi, aonawile ukutwalilila konse ukwakwa Lesa ukubomba pe sonde, kabili caposele ifintu fyonse mumfwa. Umwanakashi, te mwaume, ena aonawile icipangano. Ena aonawile icipangano, pantu (mulandu nshi?) ena aendele ukupita pamipaka ya Cebo cakwa Lesa. Nomba, nga cakutila ena aonawile icipangano pamo no mulume wakwe, ninshi aonawile icipangano cakwe pamo na Lesa; nomba, pamulandu wakutila aonawile icipangano pamo na Lesa, ninshi aonawile cena pamo nomulume wakwe.

<sup>95</sup> Kabili lintu waonaula ubulayo bobbe necipangano cobe ku Cebo cakwa Lesa, ico ecalengele kube ba membala abengi abamu cani muma chalichi, calengele ibumba lya bantu ukwisa pamo nokutila, “Ukuba, Cena tacapilibwile *ico*,” kabili calengele akabungwe konse ukufuma mukutwalilila pamo na Lesa. “Ifwe tatwacetekela Ico. Dokota Jones atile Cena tacali ifyo.” Lelo apofye Lesa alandile ukutila Cena cali ifyo, Ena alilandile ukutila, “Lekeni i cebo ca muntu cibe icabufi, ne Candi cibe ica Cine!” Palya cena caonaula ukutwalilila.

<sup>96</sup> Nomba tulemona, ukuba ukuti ukutwalilila kwalyonawilwe, nomba umushilwa wa Mweo walyonawilwe, pamo pene nomushilwa wanshita walyonawilwe, necipangano calyonawilwe, ifintu fyonse fyalitobawilwe! Cinshi calengele ico? Mwanakashi. Ico ecaonawile icipangano. Nomba, nga mulefwaya ukubelenga ico, imwe kuti mwabelenga, mu Kutendeka 3.

<sup>97</sup> Nomba, cena cali nomba mwaume abikilwe ukuba kateka pa mwanakashi, ukupitila mu Cebo cakwa Lesa. Ali uwacilapo pakulingana pamo na ena. Ena ali uwalingana mucifyalilwa imwe namwishiba; lelo, lintu aonawile i Cebo cakwa Lesa, Lesa abumbile umwaume ukuba intungulushi pa mwanakashi. Ukutendeka 3:16, nga mulefwaya imwe ukulemba. Taali nakabili uwalingana pamo no mwaume. Ali nikonaula wa Cebo cakwa Lesa.

<sup>98</sup> Bushe tamulemona, “ena,” ena, i chalichi panshi pano? Konaula wa Cebo cakwa Lesa, ico icafumishe ena mukupwililika ukufuma mukutwalilila. Kabili ico eco ichalichi cacita, nokuleta imfwa yabumupashi pacintu conse. Nomba imwe mwalakutuluka umulandu Nacila konkomesesha pali ifi fintu kwati fintu Ncita. Cena e Cine! Ifi efishinka fyamuli Baibebe.

<sup>99</sup> Moneni, mulandu nshi acitile icintu camusango ngeci? Nimumusango nshi ulya uwatemwikwa, umusuma, umwanakashi uwapwililika...?

<sup>100</sup> Namwene icikope panshita imo, Ndecetekela cali nimu Greece, icakwa kalenga uwalengele icikope cakwa Efa. Ena ali icintu icabipisha mukumoneka ico tamwatala amumonapo. Ico cilelangisha ico amano yamubili ifyo yenga loleshapo. Lelo, ena taali ifyo; ena ali umusuma, pantu ali umwanakashi uwapwililika, pabanakashi bonse.

<sup>101</sup> Moneni, cinshi ico ena acitile icintu camusango ifyo, ukuba muli ulya umutande uwasumbulwa? Ena ali uwalungama pamo nomwaume. Lelo twalishiba nomba ukuti ena alufishe ukulingana pamo nomwaume, lintu abembwike, kabili Lesa atile, "Umwaume ali nokulaku tunguluka ukufuma nomba ukuya kuntanshi." Nomba, ico e Malembo. Nga mulefwaya kuti twabelenga ico.

<sup>102</sup> Ndemipela Amalembo, eico sungeniko inshita pali ici icikalamba icakwampanya ukuya mu calo, pakutla imwe mwinga belenga ici palwenu.

<sup>103</sup> Moneni umulandu ena acitile ico. Nimu musango nshi Satana aililemo kuli ena?

<sup>104</sup> Bushe mwalishiba ukuti Satana alilingene pamo na Lesa ubushiku bumo? Icine cine aai, bonse ukuba bakabumba; aali ifintu fyonse, aiminine ku kubonko kwakulyo ukwakwa Lesa, mu Myuulu, Kelubimu umukalamba uwaletungulula.

<sup>105</sup> Moneni umulandu untu acitilemo ici, ena tali mubu bumbo bwakubalilapo. Ena tali mubu bumbo bwakubalilapo ubwakwa Lesa; ena afumine muli cimo. Eico, "kukutendeka," nga fintu Yesu asontelele kuli cena, ena tali icakubalilapo umuntu wabumbilwe na Lesa. Ena muntu afumine mu mwaume, lintu Yesu alesontelela kuli ico "kukutendeka."

<sup>106</sup> Ibukisheni, Adamu ali fyonse fibili umwaume nomwanakashi, mubu bumbo ubwakubalilapo, bumo, lelo nomba apatulwilwe ukupitila mulubafu.

<sup>107</sup> Moneni, lelo uwafumine, kabili, moneni, umofye eka uwabubumbo bwakwa Lesa, panama yonse necintu conse cimbi, ena alifye umu uwapangilwe muli uyu musango. Icintu conse icikota cali mububumbo bwakubalilapo. Conse icikota cimbi cali mububumbo bwakubalilapo, lelo Efa taali mububumbo bwakubalilapo. Mwamona, ico capangilwe muli iyo nshila. Twalaisa fika kuli ico panuma yakashita. Moneni, mububumbo bulya buntu ena alimo, temu bwakubalilapo, lelo uwafumine. Kabili muli ubu ububumbo, mwali... .

<sup>108</sup> Nomba Nshilefwaya ukucena imyumfwile yenu, lelo Ndefwaya ukumyeba Icine. Kabili imwe mwikalefye tondolo; mulifye bwino.

109 Takwali cimo icapangile icaba nobucenjeshi bwaifyo, ngo mwanakashi uwaba uwabucenjeshi. Takwali icintu cimbi; icapangilwe ukuba muli iyo nshila.

110 Pamo, tapali icintu nangu cimo ico icinga bepekwa bwangu ngo mwanakashi. Nomba, ukupona kuleshininkisha uku ukulanda ukuba ukwa cine, ukupona ku kutendeka.

111 Ena taali mububumbo ubwakubalilapo ubwakupangwa. Ena aali muli Adamu, lelo tali mumibele yacikota icanakashi, palwakwe, ku kutendeka. Ena ali icapangilwe icafumine.

112 Nomba, takwali nangu cimo icapangilwe ico icinga bepa, kabili nokubepekwa, icishakosa ngo mwanakashi. Takwaba nangu cimo icapangwa nangu icingaba panshi ngo mwanakashi ifyo aba. Tontokanya nomba. Takwaba nangu cimo icapangwa, mubu bumbo bonse, ico icinga bwelela panshi ngefyo umwanakashi aba. Ena kuti aonaula umutima wa mwaume mutupimfya ica anguka ukucila pacintu conse cimbi icaba mwi sonde, ena mukashi wakwe. Lekeni ulya umusuma umunono umukashi atampe ukwenda pamo nomwaume umbi; lolesheni pali ulya umuntu uwikele palya nabana bakwe, ifilamba filepona mumenso yakwe. Ena apangwa muli iyo nshila. Ena apangwa ukucita ico. Takwaba kapoli, nangu imbwa, nangu inama imbi, iyapangwa kwati ena nangu iingaba bwelela panshi nga ena. Nomba, ico e cine.

Nomucinshi kuli ba nkashi, Ndefwayafye imwe mumone.

113 Takuli inama iingaba nemisango iyabipa. Imwe mwita imbwa “iyamisango yanipa,” imbwa iikota, mwita iilume... kapoli “iilume,” lelo imibele yakwe yaba ama milioni yama mailoshi ayengi ukucila pabengi abaishibikwa abamu Hollywood. Ifyo efyo ena apangwa ukuba uwapanshi. Ena tekuti... Tontokanyenifye pali ici nomba. Tamwaba nangu cimo mwi sonde, icapangwa mubu bumbo bwakwa Lesa, ico icaba nemisango iyabipa, icaba pe samba.

114 Imwe mwatila, “Lolelako panono, ‘we muntu!’” Twalafika kuli ico. Umwanakashi afwile alanda ati “ee.”

115 Moneni, takwaba anangu cimo icapangwa ukuba panshi, nangu ukuba icakowela, lelo kanofye umwanakashi. Imbwa teti icite ico, kapoli teti icite ico, icuni teti cicite ico. Takuli inama iyaba nemisango iyabipa, nangu yena ukuba, pantu yena tayapangwa ifyo ukuti ingaba. Inkumba iikota tayaba nemisango yabipa, imbwa iikota teti ibe nemisango yabipa, icuni icikota teti cibe nemisango yabipa. Umwanakashi ecintufye cimo icinga cita ico.

116 Nomba mwamona uko Satana aile? Mwamona? Lelo nangu cibe ifyo, ena aba umo uwakwata amaka ayakulanda “ee” nangu “iyo.” Mwamona, cibafye apo ena alefwaya ukuba palwakwe. Mwamona? Nomba pano twamona pabwelu ulubuto lwansoka, apo lwaingile mukati. Kulifye incende imo iyo aileko. Ico

nga cakana ukucipampamina ukufikapo, umuntu umo ninshi nimpofu. Mwamona? Mwamona, cena caile kuli ico.

<sup>117</sup> Moneni, ico inama shafililwe ukucita ico, inama iikota, yali mubu bumbo bwakubalilapo. Lelo umwanakashi taali muli mulya ubu bumbo bwakubalilapo. Nomba ifwe twalabwelela kunuma nokufwailisha ici, nokuleta imwe bwino bwino kubushiku ubwa leelo, mu Cipangano.

<sup>118</sup> Ena apangwa, eka, kubwikashi ubwakowela kabili ubushawama. Imbwa teti icite, kabili necikota cimbi conse teti cicite. Cena mwanakashifye ewinga cita ico. Imbwa nangu inama shimbi, mukufye umo pamwaka, kabili pakuti ena akwate abana bakwe; tekufwaya mukusekela kwaku ulungana, lelo pabana bakwe. Ulya umukalamba kapoli umwaume, ilya iikalamba imbwa yamisango yabipa, mukufye umo pamwaka, pakashitafye kamo akanono, ico ni mukukwata abana bakwe. Lelo umwanakashi apangwa panshita yonse ilyo alekabila. Ninkwata ifintu fimo ifyo nkanshile pano nomba; kuti mwaingililamo ifyashala. Imbwa teti icite; lelo umwanakashi kuti acita. Ninsubila ukutila Mupashi wa Mushilo alasokolola kuli imwe kufyashalako pali ici Nalikansa apa.

<sup>119</sup> Ena ecintu fye cimo icamusango wa canakashi, umusango wa canakashi, ico icapangwa icayembesha ukucila umwaume. Tapaba icintu camusango umbi pakati kacintu conse. Fyonse ifibumbwa fyakwa Lesa ifyaba ifisuma filume, icakutila nga mufinama, ifyuni, nefyaba ngefyo, lyonse icilume caliyemba.

<sup>120</sup> Lolesheni pansebula iikalamba iilume, insengo ishikalamba ishisuma, icamusango uukalamba; kabili nakanono, iyaicefya insebula iinono iikota. Lolesheni pali mukolwe mukalamba namasako yakwe yonse ayayeemba; kabili neinono, inkonko iikota iyacinyamuti. Lolesheni pafyuni, mukolwe ne nkota. Mulandu nshi? Mulandu nshiabela ifyo, pafibumbwa fyonse ifyakwa Lesa? Conse icibumbwa mucilume caba icayemba nganshi. Pakati ka mpaanga, pakati—pakati kaba kapoli, pakati kaba kabalwe, pakati ka fintu fyonse fimbi, cena lyonse caba ilume iikalamba eyaba iyayeemba, kabili namufyuni.

<sup>121</sup> Lelo mu mutundu wa muntu nse, cena caba mwanakashi ewaba uwayeemba, te mwaume; nga cakutila aba ninshi kuliko icintu cimo icilubene, kuli ulubuto ulwasakanishiwa kumo. Lelo mucakubalilapo caba muli uyo wine musango. Mulandu nshi? Mulandu nshi cacitilwe ifyo? Kubepa ukupitila. Mukupangwa kwakwe, Satana, acili alebombela pali ena, pamo, muli shino nshiku shaku shalikisha.

<sup>122</sup> Lekeneni njiminine pano pakashitafye. “Icawama nganshi!” Bushe mwalishiba, pakonaulwa, kwakubalilapo, mu calo conse ice sonde, nangu mu calo monse, cali nipamulandu wakuyemba kwa mwanakashi? “Lintu abana bakwa Lesa

bamwene abana banakashi ba bantu baliweme, baibulile kuli bena umwanakashi.” Bushe ico nacilungama?

<sup>123</sup> Bushe mwalitala amumona ukufula kwabusuma kwa banakashi muli buno bushiku? Nalimona icikope cakwa Pearl O’Brien, uyo uwali nokuba umwanakashi uwayembesha mu calo, panshita imo. Takuliko umusepela umukashana muli ili isukulu uyo uwinga-mucila, ilyo caisa kubusuma.

<sup>124</sup> Ubwingi bwabusuma bwa banakashi bulelanga inshita yabucenjeshi. Nililali ichalichi catalile monekapo icawamisha ukucila ifyo cili ileelo? Fyonse filecita icikalamba bwino, ifikulwa ifikalamba bwino, kabili ama milioni *yafifi* ama milioni *yafilya*. Bushe tamulemona, “cena,” ubucenjeshi!

<sup>125</sup> Nomba, kuliko icintu cimo icinga bwelela panshi kwati nga ena, kabili ena apangwa pakutula ena engalabepa. Kabili Satana icine cine alebombela pali ena ileelo, muli ishi nshiku shaku shalikisha, pantu ena ekapanga wakwe. Ine kuti nashininkisha ico nomba. Ukubwekelamo mukutendeka, ninani watampile ukubombela pali ena, Adamu nangu Satana, Lesa nangu Satana? Mwamona, ulya ekapanga wakwe. Ena ecibombelo cakwe icikalamba ukuposa umwaume mufiko fyakwe, ukuba umwanakashi uwayemba, kuti alufya umwaume munshila ili yonse iyo alefwaya. Munyina, tekufwala kwabufi ukwalufishe umwaume; cena cali kuyemba kwa mwanakashi ukwenda pa musebo, aleiputaula pakwenda, citika ali ubwamba. Ico ecasendele... Ico ecikabepa kulya kwine. Kabili ena ico alonawilako pamo nacena, ukupwililika icabonaushi. Iwe limbi kuti wanjipusha palwakwa Satana ukuba kapanga wakwe, lelo ico e Cine. Satana ewamupangile. Ena acili alecita ico.

<sup>126</sup> Lekeni milangepo icintu cimo imwe mu Malembo. Ine mfwile namibwesesho ku Malembo, kabili mwabikapo itontokanyo lyenu ilyo mulelolesha pali ico ileelo.

<sup>127</sup> Satana eumofye uubikapo uyo umusango wabusuma. Nga kuti twamona, ewali uwa wamisha nganshi pali ba Malaika bonse mu Muulu. Bushe ico nacilungama? Kabili akabile ukupanga u Muulu ukuba incende iyawamishapo ukucila ubufumu bwakwa Mikaele. Bushe ico nacilungama? Kabili pamo, ukulangisha ukuti Kaini ali umwana wakwe umwaume, alangishe ukupepa ukwa wamishapo, awemye ifipailo fyakwe nefisabo na maluba, nefyaba ngefyo. Bushe ico nacilungama? Icawamisha! Ulubembu lusuma, cilya cintu twita ubusuma ileelo. Kabili ulubembu lubepa, ukupitila mubusuma. Iwe tekuti uloleshe pa mwanakashi aleya mu musebo nokulanda icili mu mutima wakwe. Mwamona? Lelo Nacilafwaya ukulanda ifi fintu ukumona ico Satana abela kapanga wakwe. Ico nacilungama bwino bwino, umwana wakwe umwaume ashininkishe ico, Kaini. Nomba, ena ali umusuma pakutula ena enga bepa.

128 Isonde lisuma pakutila lingabepa. Ndepilibula *kosmos*, umutande we sonde. Lyena lyaliwama pakuti lingabepa, incende iikalamba iyawama kabili nefyawamishapo.

129 Ibukisheni kasesema, Amosi, lintu aile mulya nokulolesha mu musumba, kabili amwebe yena kwati ni Hollywood yanomba, amenso yakwe ayakale ayanono yacepeleko, pesamba lyaulya umushishi wakwe uwamfwi uwaleselela pacinso cakwe. Kabili aendele ukuya kulya pamo ne Mbila, nokuya Ifungulula pali cilya icifulo. Ena atile, “Ulya wine Lesa untu mulanda ukubombela, ali nokumyonaula!” Ico nacilungama.

130 Ulubembu lwena lwaliyeemba. Balangisha Yuda nga cakolwa umukalamba uwaikela pano pamusebo kuncende imo, kabili nakukanwa kwakobeme abalunshi, nefyaba ngefyo, ilyo Yuda. Ilyo Yuda ali umusuma, uwamaka, kabepa. Ena teulya umuntu uyo wingafwaya ukumona mupepi naiwe, tali ulya umuntu uwakutila (umulimi wakale) untu engeshila nafwala na ofoloshi, ukumumona mupepi nomukashi obe; ni ulya uwa bucenjeshi, kacita wafibi.

131 Ulubembu lusuma ku menso ye sonde, lelo Lesa tasangwa mu musango wabusuma ubo. Bushe mwalishiba ico? Lesa asangwa mumibele, imibele iisuma.

132 Mu Baibele, Esaya 53, nga mulefwaya ukulemba Amalembo. Pali imilongo ya Malembo ayengi ayalembelwe pano pali cena. Esaya 53, Baibele yalanda palwa kwa Shikulu Yesu, ukutila, “Tamwali ubusuma ubwakuti twinga kabili muli Ena. Kabili twafishile ifinso fyesu ukufuma kuli Ena.” Bushe ico nacilungama? Tatwamukabile Ena, pantu Taali umusuma. Ena limbi ali muntu umunono, namapeya-ayaima, uwamoneka-uwakashikila, kabili Takabilwe nokuba intungulushi. Talemoneka nge ntungulushi. Ukulanda kwakwe alelanda kwati nibalya abamumisebo, nefyaba ngefyo, kwati fintu abantu bacita, abantu yawe yawe, eico ukutila Tamoneke kwati Ena muntu kasambilila umukalamba, uwasambilila, umusuma, uwamingila yashinguluka, nefintu fyonse. Ena ali u Muntu wafye. “Tamwali nobusuma muli Ena, ubo ifwe twinga kabila muli Ena.” Ena aleingila nokufuma mu muntu nse, inshita yonse, tabaishibe nauntu Ena Aali. Talemoneka kwati ni lesa uwale enda inshita yonse, untu twinga tontonkanya ukutila ali ni lesa. Lelo, ali cimo cine, Ena ali!

133 Bushe mwacimona lintu Shikulu Lesa alandile kuli—kuli Samueli, “Kabiye ku ng’anda yakwa Yesse no kusuba amafuta pali umo pabana bakwe abaume, ukuba imfumu, ukubula icifulo cakwa Shauli”?

134 Nomba, abantu basalile Shauli, lintu Samuele mukupwililika abebele ukuna cita ico. Ena atile “Lesatwafwaya imwe ukukwate mfumu; Ena e Mfumu yenu.” Kabili atile, “Bushe Nalitala nandapo icintu cimo kuli imwe, mwi Shina

lyakwa Shikulu, lelo cakana ukufikilishiwa? Bushe Ine nalitala milombapo ulupiya nangu *icintu cimo cimbi*, pabwikashi bwandi?”

<sup>135</sup> Bena batile, “Iyo, iwe tawatala autulombapo ulupiya. Kabili naconse ico walanda, mwi Shina lyakwa Shikulu, calisa fikilishiwa. Lelo tulefwaya imfumu, nangu cibe ifyo,” eico basalile Shauli. Lolesheni ico i sonde lyasalile! Lolesheni ico Israeli asalile! Israeli, uwasubwa na Lesa, bena basalile umuntu uali uwayumfwa kabili uwaimya amapeya ukucila pa muntu onse mu calo; umukalamba, umukulu, umusuma, umuntu uwamoneka bwino, kabili lyonse balemusuba amafuta.

<sup>136</sup> Lelo Lesa atile, “Ndinokusala imfumu umwabela ukusala Kwandi.” Eico Ena atile, “Samuele, Ine nshakwebe uyo uuli nokuba, lelo iwe kabiye kulya. Ena ni umo uwa mu bana baume bakwa Yesse.”

<sup>137</sup> Kabili Yesse, nomukashi wakwe, bonse baloleshe monse monse, nokutila, “Ee, umwana wesu umwaume umukalamba, aliba umukulu, umutali, umuntu uumoneka bwino, ena ali nokumoneka uwalungama pakuba mucilongwe cabu fumu. Alicenjela. Ena alisambilila. Ena muntu umusuma. Ninjishiba ena ali nokubafye uwalungama. Alalanda ishiwi lyakwe bwino.”

<sup>138</sup> Lintu bamuletele, Samuele abulile ibotolo lyamafuta nokuya ukulola kuli ena. Ena atle, “Iyo, Shikulu alimukene.” Eico aile munshila yakwe yonse kubana mutanda abaume, kabili Shikulu akene bena bonse. Ena atile, “Bushe takuliko umbi?”

<sup>139</sup> “Oh,” atile, “ee, kuliko umo, elyo abwelele muku kumba impaanga. Ena aikelefyeye palya nokulalisha inyimbo, nokulaimba shena, kabili alebilikisha, nokutwalililapo. Lelo, ena ali umunono uwama peya yasumbuka, umuntu uumoneka-uwakashikila, teti abe mfumu.”

<sup>140</sup> Ena atile, “Kabiye uye muleta.” Kabili ilyo Davidi aishile ku cinso cakwa kasesema, kasesema abutwike namafuta nokuyapongolwela pamutwe wakwe, atile, “Uyu euntu Lesa asalile.” Temusuma; lelo mibele. Lesa alolesha pamibele.

<sup>141</sup> Umuntu alolesha pabusua bwacifyalilwa. Ico tacilebepa. Kabili uyo wine emulandu untu umwanakashi apelwe bulya ubusuma, pakulabeleleka, ukubepa. Umwanakashi umusuma, nga cakutila tabomfeshe bwena munshila iyalungama, bwena citipu kuli ena; ubo buli nokumutuma bwangu kumbo ukucila icintu conse ico Naishiba. Nga cakutilafye ena . . . Nga cakutila ena aba umusuma, icine cine, ukuti ena icine cine aikala nomulume wakwe nokucita ico icalungama, kabili ico—ico cilifye bwino kabili icisuma nganshi. Lelo ena kuti abula icintu cimo cine kabili, owe, ifyo ena enga bepa pamo neco, pantu capelwe kuli ena ukucita ico.

142 Moneni, nomba, lelo Lesa alebombela mumibele. “Tamwali ubusuma ubo twali nokukabila Yesu,” lelo tamwatalile amuba imibele iyali kwati nga Ena, pe sonde.

143 Nomba tulesanga ukuti, ileelo, ukuti imibele ya—ya chalichi, Satana nebumba lyakwe, bena bakonka ayakalamba, ama chalichi ayasuma, ifintu ifisuma. Ifyo eflyo isonde lileloleshapo ileelo. “Oh, ena nikakumba, umukalamba wa *iyi-na-ilya* inshita, *iyakuti-na-yakuti*, iya bushimapepo na bulesa, ukulaenda ukufuma, muli iyi iikalamba imingila, kabili nefintu ifyaba kwati nga filya.” Bena beta cilya ubusuma.

144 Lelo abashila abatuntulu abakwa Lesa balolesha pamibele ya Cebo icashininkishiwa.

145 Ico eco abashila bacitile muli bulya bushiku, ilyo bamwene Yesu. Tali nangu cimo icakuloleshapo, lelo bena bamwene ukuti Lesa ali muli Ena. Bena bamwene ukuti Lesa ali pamo na Ena.

146 Uyo emusango untu balya, Yoabu nabalya bonse abali na Davidi, umuntu umukalamba panono, lelo bamwene u—umuntu uwali muli ena. Bamwene ukuti Lesa ali muli ena, kabili balishibe ukuti ali nokwisa mu maka ubushiku bumo. Bena . . . Umo aipeye bena balya basano bamu nyina bakwa Golyati, ena-eka. Umo aipeye abantu amakana yata; lintu abanakashi balesala cilemba iyakulya pacungulo, kabili nababulwi balifuminepo baya, kabili abulile ifumo nokwipaya abantu amkana imyanda itatu, aba Pelisiti. Imibele! Mulandu nshi? Bena baike abalungama na Davidi. Bena balishibe ukutula ukusubwa kwali pali ena, kabili balishibe ukutula ewaleisa mukuteka.

147 Icikope icawama ica Chalichi ileelo ico icili nokwiminina ne Cebo! Natwishiba ukutula Cena cili nokushininkishiwa. Natwishiba ukutula Cena cili nokwisa mukuteeka ubushiku bumo. Nangula Shauli . . . Kabili ena ali imbutushi ukufuma mu fyalo ifyashalako, lelo balishibe aleisa mukuteka. Natwishiba ukutula Ena aleisa mukuteka, pamo, eico ifwe twabula cilya i Cebo nokwiminina palya pene, temulandu nefyo cingalipilwa. Nga cakuti ifwe kuti twaputula aba Pelisiti, nangu ukutoloka ukuonena mucilindi nokwipaya inkalamo, nga fintu umu acitile, ifwe nangu cibe ifyo kuti taya, pantu cena e . . . iyo enshila intu Lesa acipangilemo ukuba. Tulolesha pamibele.

148 Imwe limbi kuti manjipusha, “Cinshi Amulengele ukupangwa muli ilya nsila?” Nshilefaya ukusenda inshita iitali, pantu Ninkwata ifingi ifyakulanda pano. “Mulandu nshi,” ilipusho limbi kuti lyaima nomba, “mulandu nshi Lesa apangile uyu umwanakashi kwati ngefi? Mulandu nshi untu Ena asuminishishe ena ukupangwa kwati nga filya?” Cena cali mubusuma Bwakuseksha Umwine. Icline cine.

149 Nomba nga mulefwaya ukwisula muli Baibele yenu loleleniko panono, natwisule mu bena Roma 9, pakashita



akanono fye, kabili ndefwaya ukumilangisha icintu cimo, ifyo Lesa acita ifintu, nga mulefwaya uku—ukubelenga ico. Kabili ifwe kuti twamona pano ico Lesa acita kubusuma Bwakwe Umwine. Abena Roma 9:14.

*Nomba cinshi ico twalalanda nomba?*

*Bushe kwaliba ukukana lungama ku cinso cakwa Lesa? . . .*

<sup>150</sup> Lintu Ena asalile Esau, nangu lintu asalile Yakobo nokukana Esau, ilyo nangu umumulumendo talakwata insambu ishakupanga ubusalo, palwakwe, nangula umo pali bena; ilyo tabalati bafyalwe, bacili mwi fumo lyakwa nyina, Lesa atile, “Nalipata Esau, kabili Natemwa Yakobo.” Mwamona? Mulandu nshi?

*Pantu alandile kuli Mose, Ndi nokukwatila uluse uyo untu Ninga katila, kabili Ndi nokukata inkumbu pali uyo untu Ninga kwatila inkumbu.*

*Eico nomba cena tacaba . . . kuli ena uyo uulefwaya, nangula . . . ena uyo uulebutuka, lelo cena ni Lesa uyo uulangisha uluse.*

*Pantu amalemba yatile kuli Farao, Nangufye nipali ubu bumo bwine ubukabilo Ine nali kukusha iwe, ukuti Ninga langisha amaka muli iwe, kabili ukuti ishina lyandi lingalandwa ukupita monse mwi sonde.*

*Eico . . . ena (Nomba moneni pano) . . . -ilyo . . . ena enga kwatila uluse pali uyo enga kwatila uluse, kabili noyo engakosha.*

*Imwe kuti mwatila . . . kuli ine, Mulandu nshi nomba ena acitila . . . asangila umulandu? Pantu apo ena akana ubukabilo bwakwe?*

*Iyo, lelo, O we muntu, niwe nani weukana kuli Lesa? Bushe icabumbwa cingatila kuli kabumba, Cinshi ico mwampangila ifi?*

*Bushe kabumba takwata amaka peloba, ilya mwina umo wine ukuoanga umo icipe ca mucinshi, kabili nacimbi icishili camucinshi?*

*Nga ngacakutila Lesa, alefwaya ukulangisha ubukali bwakwe, nokuleka amaka yakwe ukwishibikwa, ashipikisha . . . ku kukokola ukukalipa kucipe ca bukali icapangilwa ukonaulwa:*

*. . . ukuti ena engalangisha ubukankala bwabukata bwakwe pa cipe icaluse, ico apekanishishe libela ukuya kubukata,*

<sup>151</sup> Nomba cite fitala Neco pakashita akanono. Lesa acitile ico! Ena acitile ici muli iyo nshila. Cali nokubelamo kulya. Nomba

kutikeni. Nomba pali ba mineti basano, Ndefwaya uku kutika kwenu kuli ici cimo.

<sup>152</sup> Lesa ni Cinshi? Lesa cintu icikalamba ica Muyayaya. Kukutendeka kunuma kulya, ilyo takulaba intendekelo, Tali nangufye ni Lesa. Bushe mwalishiba ico? *Lesa* “cintu cimo icipepwa,” kabili takwali nangu cimo icakupepa Ena. Aikele eka.

<sup>153</sup> Kabili muli Ena mwali imimonekele. Imimonekele cinshi? Litontonkanyo. Nomba mwalapokelelapo icintu cimo ico icalaba pe sambililo munshita ino iyabushiku. Moneni, Ena Ali imimonekele ilya iyali muli Ena. Nomba, cali muli Ena ukuba Taata, cali muli Ena ukuba Lesa, cali muli Ena ukuba u Mwana, cali muli Ena ukuba Umupusushi, cali muli Ena ukuba Kondapa. Kabili fyonse ifi fintu pano filelangishafye imimonekele Yakwe. Tapali nangu cimo icishili mu mutande. Imwe muletonkanya Lesa tamwene impela ukufuma ku kutendeka? Icine cine, Ena alimwene. Tapali nangu cimo icafumine mu mutande, cena kulangishafye imimonekele Yakwe.

<sup>154</sup> Nomba, Ena talifye kabili *nokupanga* umuntu ukupona. Ena amubikile pamibele imoine, iyakuisalila umwine, ukupanga ubusalo bwakwe, lelo alishibe ukuti ali nokupona.

<sup>155</sup> Nomba, teti Abe Umupusushi kano cimo caluba. Teti Abe Kondapa kano icintu cimo calwala. Ifi fintu fyali nokuba muli iyo nshila. Lesa afipangilemo pakutula imimonekele Yakwe iikalamba inga langwa. Nga cakutula tamwali ico, Ena nga tatalile ukuba Umupusushi. Lelo twalishiba ukuti Ena ali, nangufye ilyo takulaba inshita, Ena ali Mupusushi. Ena ali Mupusushi, eico kufwile kwaba icintu cimo icilubile. Nimumusango nshi cifwile ukubelamo?

<sup>156</sup> Nga cakutula Ena acibula nokucilufya, mucifulofye cakutula enga cipususha nomba cena tacili bupingushi ubusuma kubupingulo Bwakwe. Ena tali nokutuma umuntu kumbo, kabili nokuba uwalungama. Ena waluse, uwatekanya, uwacine, uwacishinka, kabili Ni Kapingula mukalamba. Mwamona, Ena nga ali uwakuilwisha Umwine eka.

<sup>157</sup> Eico Ena abikile umuntu pano, nokumubika ena pakuisalila kwakwe umwine, pakuti ena, engeshiba, ukutula ali nokupona; kabili umuntu, mucipash Cakwe Umwine, nimumusango nshi ena engaponenamo? Nomba imwe mulamona u Lubuuto mukasuba? Eico, Ena apangile icafuminemo, icintu cimo ukufuma mububumbo bwakubalilapo. Nomba mwacimona. Mwamona? Imwe mwaumfwa. Mwamona? Nomba, ico ecaponene. Apangile ico, ukwishiba ukuti cili nokupona cena. Kabili cabikilwe mumaboko yakwa Satana, ukuba icipe icishakwata mucinshi. Nipesa apo umucinshi wabikwa ileelo? Imwe tontonkanyeni pali ico. Moneni pepi pepi nomba.

158 Nomba kabili, umulandu ena apangilwe muli iyi nshila kabili uku kanaba kwati fikota fimbi, mulandu nshi umwanakashi apangilwe ifyo kabili ukukanaba nge fikota fimbi? Tapali nangu fimo pafikota fimbi ifyapangilwe kwat ngefyo. Tafyabako, ileelo. Fyena tekuti. Tekuti fipangwe muli iyo nshila, ena teti acite ico. Mulandu nshi ico Ena tapangile uyu umwanakashi ifyo, umwanakashi, kwatifye nga shimbi inkota, pakuti ena engaba munshila imoine, iyakulakushafye abana bakwe? Nomba ena nga alikwete umulume wakwe, nokwikala; kabili lintu caisa ba inshita iyakukwata umwana, ena kuti akwata umwana. Mulandu nshi—mulandu nshi Ena amupangile kwati ifi?

159 Ine teti nande aya amashiwi. Kabili imwe kutulukeni paco Ndelandapo, teifyo? Nga cakutila mwakutuluka, landeni “ameni.” [Ulukuta lwatila, “Ameni.”—Kale.] Ee. Mwamona? Muli abakashana imisepela abekele muno, nabalumendo imisepela, mwamona. Lelo namwishiba, inama ilesa mukufika panshita imo mumwaka, nomba yakumanya iyanakashi yaiko, nomba ninshi capwa. Lelo, umwanakashi, caba ninshita yonse. Kabili mulandu nshi Ena amupangile kwati ifyo?

160 Nomba moneni ubutantinko Bwakwe ubukalamba bwalangwa, ilyo tulepita muli ici pano nomba, icabafye icapwililika ngefyo ukupwililika kwingaba. Nshaishibe ici mpaka ubushiku bwafumineko.

161 Mulandu nshi Ena tamupangile kwati ngefyo mukutendeka, kwati ngenkota shimbi isha shalako Ishakwe? Pantu cena nga cali icamusebanya kuli Ena. Ena Ekafukauka akapwililika konse. Uyo wine emulandu Alekele Satana amwikatilile ena, cintu ena acitile mukupilibula. Icibumbwa camusango ifyo kuti caba, teti cibe icamusebanya kuli Ena, ifya calengelwe pakubala.

162 Yonse imilimo Yakwe iyo Apangile, mucakubalilapo, nimu kutwalilila. Shonse pa milimo Shakwe ishapa kutendeka shali muku twalilila. Imbwa iikota, imbwa iilume; mwamona, ing’ombe iikota, ing’ombe iilume; fyonse mukutwalilila. Bonse ububumbo bwaba mukutwalilila. Ulubuto ukufwa, ukuya mu mushili; kwati nimfwafye, ukushika, ukututubuka. Amenshi yalafuma mu cimuti, caponya amabula, cabwela umwaka wakonkankapo no bututubuko bwebula ilipya. Mwamona ico Ndepilibula? Fyonse, namu bubumbo, bwakwa Lesa, fyonse fyaba mukutwalilila, muli cimo; kabili apa pali cimo icapangwa ukufuma mukutwalilila kwakwa Lesa. Ububumbo bwapangwa ifyo pakutila teti bubembuke. Tontonkanyeni! Ububumbo bwa pakubala, ubwakwa Lesa, tabwalebembuka.

163 Oh, bushe tamulecimona nomba, muli ici icakumwenako pano, ukupililulwa kwa chalichi? Icituntulu Cebo cakwa Lesa! Tamwaba ulubembu muli Lesa. Mwamona ico Ndepilibula? Ici

apa cibumbwa icaishile mukubapo kumulandu wakupilibulwa. Lesa ali nokukwata i Chalichi, lelo lolesheni pali ici cintu capilibulwa ico bakwete kuno.

<sup>164</sup> Lesa alikwata ifikota ne filume. Lelo, uyu mwanakashi, mwamona, ifishibilo fine ifyacilya filangishafye ifyali mu mano yakwa Lesa. Kuti twasenda ora imo, nangu yabili, pa kulondolola ico. Ena. . . Alipangile cilya icibumbwa muli ulya musango, Ena alipangile icibumbwa kabili no kumulekako pa kutila Satana engamwikata, kabili alicicitile. Acili alimwikata. Alingile ukubutukila ku Lupanda, ngo mwaume, pamo.

<sup>165</sup> Moneni, icifyalilwa conse cibomba mukutwalilila. Nga cakutila Alipangile umwanakashi mukulengwa kumo kwine ukwa pakubala, nga takwali ulubembu, pantu nga tacicitile, nga tacicitile. Ena aba kupilibulwa kwa kulengwa kwa pakubala.

<sup>166</sup> Efyo nolubembu lonse lwaba kupilibulwa kwa Cishinka ca pakubala! Ubufi ni cinshi? Bwena Cishinka icapilibulwa. Ubucende cinshi? Micitile iyasuminishiwa iyapilibulwa. Eico kwaliba icibumbwa icapilibulwa, cilya cintufye conse icapilibulwa. Kabili icintu conse cilebelengwa u-l-u-b-e-m-b-u, lwaba mulya mwine. E mulandu wine ilipusho lyabela ilikalamba.

<sup>167</sup> Abafye ciputulwa, icipimfya, icapangwa ku muntu, ica kumubelelekelako; Lesa ali cipangile, pano pene nacishininkishiwa. Ifyo efyo apangilwe.

<sup>168</sup> Umwanakashi wamampulu ecintu cimo ica panshi sana icinga tontonkanishiwapo, mwi sonde. Munjeleleko pali ici, banamayo abanono. Ena taba nangu cimo lelo ni nungulu yafisoso iya muntu, umwakuposa ubuulungani. Efyo abafye, umwanakashi wamampulu, ni nungulu yafisoso iya muntu iya bulungani, icakukowesha, umo ukukowela, ifiko, ububole, ifyakowela ifyabipisha fiposwa muli ena. Cinshi apangilwa muli uyu musango? Pa mulandu wa kubeleleka. Ulubembu lonse ulwatala ukuba pe sonde lwacitilwe no mwanakashi.

<sup>169</sup> Kabili kafwailikisha wa milandu afuminefye ku Chicago, u—umwanakashi alembele ili lyashi, bakapokola, ukutula balepepeka, mu United States, imisumba ikalamba iyamu United States, ukutula “Nainte-eiti pesenti ya mulandu onse iyatala ukucitwapo mu musango uuli onse, mu United States, mwali umwanakashi muli wena nangu kunuma ya uko.”

<sup>170</sup> Nomba Ndesosa ifi fyonse, ku kwisa ku cintu cimo kuno pampela, pakutula mwingamona apabelele ubwafya.

<sup>171</sup> Apangilwe ku kubeleleka, nga fintu acitile kuli Adamu pa kutendeka, amwebele ukutula icisabo cali cisuma, nafimbi po, uku mubeleleka no ku mufumya ku Cebo. Efyo ulukuta lucitilamo ileelo, icintu cimo cine.

Lelo lyena, panuma ya ico, aishileba kateka wakwe, ukumuteka.

<sup>172</sup> Nomba ifyo caba icapusana muli buno bushiku, muli buno bushiku ubwakupanga ifintu. Mucifulo ca mwaume ukuba kateka wamwanakashi, umwanakashi alisangunguka lesa wamwaume. Mucine, umwanakashi alamuteka. Nomba limbi kuti mwaumfwikisha bwino bwino ico Nacilakomailapo. Ukupitila mukuyemba kwakwe no kutungulula kwakwe ukwa bulungani, imimonekele yakwe iyapelwe kuli ena na Satana, icafumishiwa fye ico Satana acitile, umwanakashi alitumwa ku kubeleleka abana baume bakwa Lesa. Kabili kuti atintila abengi ku mbo ukucila icibombelo conse icashala cintu Satana akwata. Ico cishinka nganshi.

<sup>173</sup> Ndelanda pa ba mamupulu nomba, te imwe ba nkashi. Twala mupela icifulo cenu, icifulo icalinga, muli ba miniti abanono, mu Cebo cakwa Lesa muno. Cali mu mapange yakwa Lesa ukufuma ku—ku ntendekelo.

<sup>174</sup> Nomba ukucita ici ileelo, ninani lesa wa United States? Muleibukisha mwi hema imyaka iyapita, Nalishimikile pali ico? Kalesa kamuli buno ubushiku ubupya, nicende-ende munono uwikela palya nabika nakalaso, ne ndeleshi pamulu wa makufi, ne fintu ifyapale fyo. Natile, “Moneni lesa wenu!” Kabili ico cishinka, asangwa mu fishibisho ifili fyonse, uwabwamba citika. Aba mu musebo, mu musango umo wine.

<sup>175</sup> Caba cibombelo cakwa Satana, “ukufuma pa kutendeka,” Yesu efyo asosele. Mwamona? Twamona ukutila efyo caba nomba, kabili “ukufuma pa kutendeka,” ne fintu ifyo Alelandapo.

<sup>176</sup> Nomba, abasenshi balemupanga ukuba lesa, (bushe mwalishibe ico?) lesa umwanakashi. Mucine balecita. Balemupanga ukuba lesa umwanakashi, pantu balecita imilimo ya bulalalale mu kupepa kwabo. Balesosa ukutila, “Ali ni kalenga. Mwifumo lyakwe asendele ulubuto no kulenga.” Ubo bufi. Kwabafye Kalenga umo, uyo ni Lesa. Muleibukisha Paulo kulya? “Diana, uwaku Efeso,” icipasho icapangwa ukufuma ku cilibwe, atile, “lesa umwanakashi uwa ku Muulu, uwaposelwe panshi.” Bushe tamulemona ifyo ukupepa kwa busenshi kwaba?

<sup>177</sup> Kabili ifwe, mukukanaishiba cilya, twapilibukilafye kulya kwine kuli bukapepa bwa busenshi nakabili, ku banakashi, icibumbwa ica panshi sana pe sonde, ukupepa abanakashi! Kuti alelula umwaume mu nshila ili yonse iyo alefwaya. Kabili ukukana ishiba, ukuyemba konse kulya ukwaba kunse, imbo ilya yaba mukati kakwe. Solomon atile, “Ishakwe, impongolo shakwe ni mpongolo sha kumbo.”

<sup>178</sup> Nomba tulemona pa mbilibili pano ifyo Yesu alandilepo mu Kusokolola, icipandwa ca bubili na versi ya 15, pe sambilisho

Iya bena Nikola, pa kwisa kwa lukuta lulya ukulaifumya ulwine ku Cebo.

<sup>179</sup> Elyo nakabili tulemona pano, pa mbilibili, aya ayashawama, ayabusenshi, amabutantiko ayakowela ayo twakwata pa citunshi tunshi, ayaba namfumu babulungani aba ku Hollywood. Kuti twamona ukukowela kwa uno musumba, ilyo aba abaice, utukashana utunono utwakale tuleenda uku-no-ku mu musebo kuno, Notunono, utwakufwala utwapapatila, ukulasunsha pakwenda, kabili ninshi nakutalala nganshi kuti bauma mpaka nokufwa. Tabaishiba ukutila ulya ni Ciwa eulecita cilya. Bali ingililwa no mupashi wakowela, kabili tabaishiba! Tamumona imbwa iikota ukucita cilya, bushe mubaumona? Tamumona icikota icili conse ukucita ico, kabili takuli icilume icilingile ukupalama kuli cena, naco.

<sup>180</sup> Mwamona, nomba mulemona icikope? Twalaletafye icintu cimo pakashita, Shikulu nga asuminisha.

Nomba tulemona abena Nikola, mwamona isambilisho lyabo.

<sup>181</sup> Mulemona banamfumu imisepela, eflyo babeta, abafula ifyakufwala mulya mu musebo. Balingile ukuya kumo kufilangisho ifishawama, pakumona abelefula ifyakufwala. Kwisulafye amenso yenu, no kulolekesha mu musebo, ecintufye mulingile ukucita nomba. Conse icintu kufula ifyakufwala. Mucine. Cinshi bacitile ico? Ku kutemuna, ukutunka, emulandufye weka enga cicitila. Alacicita pantu alikowela. Alacicita pantu apangwa muli uyo musango. Teluka ukutila ena aba icibombelo mu maboko yakwa Satana, kabili ifyo eflyo aba.

<sup>182</sup> Na mu masukulu yesu yene shino nshiku, balasambilisha imilimo yakulungana. Isonde lyesu ilyabola ilya kupepa-abanakashi! Ninjishiba tabalefwaya ukucetekela ico. Kuti baima no kwimba inyimbo sha bwina kristu ne fyashala, mu bushiku bumo; kabili bafuma baya na banakashi, ukulaeenda enda, ubushiku bonse. Mwamona? Cisuma. Ilyo, mu cinso cakwa Lesa, i Cebo, aba icintu icapanshi sana ukucila ifinama fyonse ifyo Lesa abika pe sonde. Mulolekeshe.

<sup>183</sup> E mulandu wine Lesa tamusuminisha ukusambilisha i Cebo Cakwe. Ico cishinka. Timote wa Cimo 2:9-15, “Nshilesuminisha umwanakashi ukusambilisha, nangu ukukwata amaka ayali yonse.” Mwamona? Elyo na kabili mu Korinti wa Cimo 14:34, “Leken i abanakashi benu babe abatalala mu nkuta, pantu tacasuminishiwa kuli bena ukulanda, pantu balyebwa ukwikala tondolo; ifyo na Malango yasosa.” Lelo, shino nshiku, finshi ulukuta lucita? Balabalenga ukuba bakakumba, bakashimikila, ilyo Baibele yalikanya umupwilapo. Kabili Baibele yatila, “na Malango yene eflyo yasosa,” ukucilengo ukuba ica kutwalilila, icintu conse.

184 Nga fintu fye umwana wa Mpaanga ali, mailo mu bushiku, incende fye yeka iya kupepelamo ni pe samba lya Mulopa uwasumishiwa uwa mwana wa Mpaanga. Encendefye yeka ileelo, muli Kristu. Icintufye icakucita kwisa muli Ena. Iyo e ncendefye yeka iyakupepelamo. Lyonse caleba muli uyo musango. Incendefye yeka iyakupepelamo yaba pe samba lya Mulopa uwasumishiwa.

185 Eico nomba tulemona icikope conse ica ici ukufimbulwa kuli ifwe. Mwamumona uyu palya. Emulandu wine Lesa tekuti amusuminishe ukusambilisha, tekuti amusuminishe ukucita icintu icili conse mu lukuta lelo kwikala tontondolo ne cinsu icafimbwa.

186 Nomba kuti mwamona umulandu Nandile ifi fintu nokucita ifintu ifyo Nacita, ukwishiba fyonse ifi mu mutima wandi, munyina, ba nkashi? Nalishiba, ba nkashi, Ine...mwalikwata icifulo cenu (mukashita fye), kabili imibele iisuma iyo Lesa enga panga muli imwe. Lelo Ndeeshafye ukulanda ku lubali lumbi, ukumulangishafye ico mwafumako mucine, “pa kutendeka.” Yesu atwebele uku “bwelela ku kutendeka,” ku kucisanga. Ifi eflyo tulecita.

187 Nomba Naciba uwakukomaila pa fishinka ifikalamba ifingi palwa ifi, kabili Ndesubila mwalacumfwikisha. Kabili imwe mwe bantu mwe bakalaumfwa kuli iyi tepu, Ndesubila mukomfwikisha. Mu bwekelefyeye kunuma. Kulangishafye ukutula Yesu asosele, “Bweleleni, ukufuma ku ntendekelo, no kufwailisha.” Ifintu fyonse, ukubwekela ku ntendekelo. Kuti mwamona, ileelo.

188 Cinsi, abantu, basosa ukutula Nalipata-abanakashi. Ico cili ukutali ukufuma ku Cishinka. Nshabapata. Banjita, “Kapata wa banakashi.” Ibukisheni, Paulo bamwitile ukuba kapata wa banakashi. Kashimikila umwanakashi, te kale sana, atile, “Oh, waba nga Paulo wakale, icintufye ico alecita kwebaula ifwe fwe banakashi.”

189 Uwashila wakwa Lesa, uyo uwasuminishiwe ukulemba Baibele, Icipingo Cipyra, no kusushe Fyebo fyakwe? Atile “Nangu ni Malaika uwafuma ku Muulu asambilisha ifintu fimi ifyapusana Nefi ifyo Nasosa, Abe uwatipwa,” napalibufi umo kashimikila umwanakashi.

190 Basosele ukutula Eliya alipatile abanakashi. Tapatile abanakashi, abanakashi abenebene. Tatemenwefye ba Yesebele.

191 Kabili nga nifyo, lyena Lesa alingile ukuba mu musango umo wine, pantu Ena Cebo icisa kuli bakasesema. Eico cilingile ukuba Lesa, umusango umo wine, kanshi, mwamona, Alishiba ifyalengelwe pakutendeka, “ukufuma pa ntendekelo,” Atile, “ukufuma pa ntendekelo.” Kwali bakasesema abo i Cebo caleisako.

<sup>192</sup> Kabili Amupangile ukuba uwa mwaume, te mwaume ukuba uwa mwanakashi. Bushe mwalishibe ukutula, ukutula, “Umwanakashi apangilwe ukuba uwa mwaume, kabili te mwaume ukuba uwa mwanakashi”? Nibanga abaishiba ico? Baibele ilasambilisha ico. Cisuma. Alipelwe icifulo mu mwaume, lintu ukuwa takulabako, ukuba abalingana pa bubumbo bonse. Lelo “panuma” yakuwa, nomba pano twalaleta isambililo. Lelo “panuma” yakuwa, umwaume aishileba kateka wakwe, alingile ukwikala tondolo muli fyonse, nomba panuma ya kutendeka kwa pakubala kwapwa.

<sup>193</sup> Yesu atile, “Tacali ifyo ukufuma ku ntendekelo.” Lilya elyo inshita yatendeki, lintu Lesa acipangile mukulenga Kwakwe ukwa ntendekelo. Bonse abaleumfwikisha, soseni “ameni” nakabili. [Ulukuta lwatila, “Ameni.”—Kale.] Pakutendeka Lesa alengelefyeye icilume cimo ne cikota cimo. Lelo lyena umwanakashi apangilwe uwapusana kufinama, ifinama fyonse ifyashala, ku kubeleleka. Nomba mulolekeshe nomba, “Tacali ifyo ukufuma ku kutendeka.” Alipangilwe, nga aliikele mu mibele ya mukubalilapo, nga tatalile ukuwa. Lelo alengelele ukuwa no kufulunganya uko ukwaputwile ukutwalilila konse ukwakwa Lesa, no kuleta imfwa, ubulanda, na fyonse ifyashala, pe sonde. Efyo apangilwe muli uyo musango.

<sup>194</sup> Nomba lolesheni. Nomba, *panuma* ya ntendekelo, *panuma* ya pakutendeka, *panuma* inshita yapakutendeka; kunuma kulya, cali u Muyayaya, waishilepwa. Muloleshe, panuma ya kulyo kuwa ukwacitilwe na Eva, panuma yakuwa, icipangano na cimbi calefwaikwa ukupangwa. Nomba ici calamupunwisha, lelo Nalamupela Amalemo ukushininkisha ukutula ici Cishinka. Nomba lolesheni panuma yakupona, Yesu atile. . . Lesa, pa kutendeka, apangile icintu cimo icaibela; lelo nomba, panuma yakupona, nomba twalaya ukucila palya. Icipangano cali ca mulinganya; lelo nomba, panuma yakupona, kwaba icipangano na cimbi icapangwa. Nomba tali nikateka kabili pamo nankwe, cila umo alingile ukukwata icipangano icaibela.

<sup>195</sup> Nomba natumone ico nga cishinka. Na tubule Ukutendeka 3, no kufwailisha ici nga cishinka, nomba ilyo twalatwalilila, pantu tulefwaya ukuba abashininkisha pali ifi fintu, filasambilishiwa no kuletwa mu cine icituntulu. Eico limbi pano kuti twakwata inshita inono, pantu nomba tatuli ukutali sana ne mpela, kukwisa kulubali lwakwisalila isambililo, ukulangisha *cinshi* kabili *umulandu* palwa kulekana, kabili nafimbipo. Nomba mu Kutendeka mu cipandwa 3, kabili twalatendeka nomba na 3, kabili na versi ya 16. Katutendeki pa versi ya 14.

*Kabili SHIKULU. . . atile ku nsoka, (nomba Alaitipa), Pantu wacite—pantu wacite ci, watipwa iwe pa fitekwa fyonse, . . . pa cinama conse ica mu mpanga; kabili pe fumo lyobe epo wakula endela, kabili ulukungu elo wakulalya inshiku shonse isha muweo obe:*



*Kabili Ndinokubika ubulwani pakati kobe no mwanakashi, kabili pakati ka bufyashi bobe no bwakwe ubufyashi; kabili ena akulacena umutwe obe, kabili iwe wakula cena akatende kakwe. (Ubulayo, “ukwisa ukupitila mu mwanakashi,” Messiya, ku kwisa mukulubula.)*

*Ku mwanakashi atile, . . .*

196 Nomba lolesheni, nomba pali icipangano ne nsoka. Icali, balifye bwino ilyo tafilacitika, pa kutendeka, nangu libe takulaba ukutendeka.

*Ku mwanakashi atile, Nkafusha apakalamba ukucululuka kobe no kwimita kobe; kabili mu kulunguluka emo ukalafyalila abana; kabili ukukabila kobe kukaba ku mulume obe, kabili eukalakuteka, (Tekukwata kabili insambu shimo shine nakalya.)*

197 Nomba ena alipilibukafye nokulosha kumbi, kabili ena entungulushi.

*Na kuli Adamu atile, Pantu waumfwa kwi shiwi lya mukashi obe, nokulyako ku cimuti, ico Nakuleseshe, ukutila, Wikalyako. . .kuli cena: watipwa uyu umushili (te ku tipa Adamu, nomba) watipwa uyu umushili pa mulandu obe; mu kucululuka emo wakulamwene ca kulya inshiku shonse isha mweo obe;*

*Imyunga. . .na ficilasa efikalamenapo; kabili uli nokulya imishila sha mu mumpanga;*

*Kabili mu libe lya cinso cobe emo ukalalila umukate, mpaka ukabwelele ku mushili; pantu ukufuma muli lwena—ukufuma muli lwena emo wabulilwe: pantu iwe uli lukungu, kabili kulukungu eko ukabwelela.*

198 Ifipangano fibili. Nomba ico ecalaisala “ukutendeka” pafyo Yesu asosele, “Tacali ifyo pa pakutendeka.” Nomba natukwata cipangano na cimbi. Lolesheni, cipangano na cimbi. Nomba kuli icipangano ku capangwa, na ku cafumishiwa fye. Lolesheni, ukupona kwaletele ubwafya, imfwa, ku cibumbwa conse icalengwa, ukupanga ubupusano mu fyacifyalilwa fyonse. Nomba natumone pafyo Yesu asosele palwa, “ukufuma pa kutendeka tacali ifyo.” Nomba tefyo caba “ukufuma,” cili nomba cili “panuma” yakutendeka. Nomba pali ifipangano fibili.

199 Mukubalilapo califye cipangano, Adamu na Efa bali abalingana, umwaume umo no mwanakashi umo. Nomba umwanakashi alibembwike, kabili (finshi ifyo acita?) ico caposele bonse mu mfwa, na Lesa alipangile icipangano pali ico, icipangano na cimbi. Kabili ici cili umu mwine mu Kutendeka 3:16, Ena apangile icipangano na cimbi.

200 Nomba isonde lilingile ukusanda, te kupitila mukulengwa kwa pakutendeka ukwakwa Lesa, nga pa kutendeka,

tekulengwa kwa ntendekelo, lelo ukupitila mu kufwaya kwa kukumana capamo. Nomba ico cilelangisha palwa “kutendeka,” tacilelangisha? Pakutendeka kwalifye umwaume umo no mwanakashi umo, icilume cimo ne cikota cimo; lelo ilyo acilwike ulya mushilwa nokuleta ulu lubembu, nomba isonde lilingile ukusandana na kabili, ukupitila mukukumana capamo, tekupitila mu kubumba; kupitila mukukumana pamo. Mwamona apabelele umwanakashi nomba? Nomba, Lelo iyo enshila isonde lisandaninamo ileelo, ukupitila mu banakashi.

<sup>201</sup> E mulandu wine Yesu aishile ukupitila mu mwanakashi, ku kuleta intendekelo na kabili, te kupitila mukufwaya kwa kukumana capamo. Afyelwe muli na cisungu. Lelo, alelluya, kukesha inshita iyo kushakabe ukukumana capamo, lelo Lesa aketa abana Bakwe ukufuma mulukungu lwa mushili, nga fintu cali pa ntendekelo, te kupitila mu mwanakashi uuli onse; lelo kupitila mu kubumba kwe loba no lubuuto lwamulwelele, na mafuta, Akalenga na kabili nga fintu Acitile kuli Adamuu pamuku wakubalilapo. Yesu alengele ici ukucitwa, ukupitila muli Lesa ukuilenga Umwine mu Muntu no kwisa mwisonde pakutila Enga fwa, ukupitila muli uyu mwanakashi. Nomba ni nshita ya kweshiwa, no lubembu.

<sup>202</sup> Nomba mwamona kanshi, “panuma” yakutendeka, pali icintu cimbi icaletelwe. Nomba ici calamupapusha. Bushe namunaka? [Ulukuta lwatila, “Awe.”—Kale.] Mwikalefye tondolo panshita iinono.

<sup>203</sup> Kanshi ilyo ifipangano fibili fyapangilwe ku mwaume no mwanakashi, ukupitila mukukumana capamo, icipangano nacimbi icituntulu (te cipangano capakubala, lelo cipangano nacimbi), nomba cinshi caletele? Impali, muli fyonse. Elyo, panuma ya kutendeka, impali shaliletelwe ku muntu na mufinama; panuma ya kutendeka, ukuwa. Lesa nomba, munshila imbi, aleta icifyalilwa na cimbi icipya na kabili, ukupitila muku kumana capamo. Lesa alengele uwa ntanshi ukwabulo ku kumana capamo. Bushe mulecetekela ico? Nomba cipangano na cimbi ne cifyalilwa, Acibika mu mitantikile naimbi, mu kukumana capamo. Icipangano ca bubili: icilume cimo, ifikota ifingi; insebula ilume imo, insebula ishikota ishingwi. Bushe ico cishinka? Ing’ombe iilume imo, ibumba ilikulu ilya ng’ombe, ing’ombe; mukolwe umo, ulubansa ulwaisula ne nkoko ishikota. Bushe ico cishinka? Davidi Umo, uwali pa mutima Wakwe Umwine, na bakashi imyanda isano; na bana umwanda umo abo alefyala, mu mwaka umo, ku banakashi abapusana, um-hum, umuntu wapa mutima wakwa Lesa Umwine. Solomoni umo, na bakashi ikana limo. Lelo moneni nomba, tefyo cali pa kutendeka, lelo nomba “panuma” ya kutendeka. Umwanakashi alicita ici, elyo nomba aisaba fye fintu aba leelo. Mwamona?

<sup>204</sup> Davidi, imfumu iyaiminineko Kristu! Musunge ico mu mano yenu. Davidi aiminineko Kristu. Bushe mulecetekela ico? Kristu

naikala . . . ali nokwikala pa cipuna cakwe ica bufumu. Kabili uyu Davidi, umuntu wapa mutima wakwa Lesa Umwine, akwete abakashi imyanda isano. Mwamona eflyo Ndepilibula? Davidi na bakashi bakwe imyanda isano, Solomoni na bakwe ikana limo. Kabili Solomoni mwana wakwa Davidi, mucifyaalilwa; uyo uleimininako Yesu Kristu, Umwana wakwa Davidi, muli bumupashi. Lelo ico cifyalilwa, ubumi ubwa kukumana pamo. Ici cikaba ica bumupashi, ukulengwa, cinshi, ukulengwa. Mwamona? Uyo e musango cabelelemo pa kutendeka, nomba telelo muli ubu bumi twikalamo nomba.

<sup>205</sup> Moneni, mwifilwa ici nomba, mucisende conse mu mitima yenu. Lelo tapali nangu umo pali balya abanakashi uyo uwali nokukwata kwata ukucila pa mulume umo. Umwaume e cibumbwa ca pakubala, te ena. Tapali umo pali balya abanakashi uwali nokukwata ukucila pa mulume umo, lelo ulya umulume umo kuti akwata abakashi ikana limo. Ifyo EFYA SOSA SHIKULU. Iyo e Baibele. Nomba Nacibwelela kunuma, no kusende nshita yandi kabili ukumulangisha kunuma kulya kuntu catampile, ifyo Yesu alosele. Nomba mulecimona bwino bwino? Bena kuti bakwata abengi nga . . .

<sup>206</sup> “Oh,” mulesosa, “ico califye kuli Israeli.” Eflyo?

<sup>207</sup> Lintu Abrahamu asendele Sarah ukuya ku calo ca bena Pelishite, kwali imfumu imo kulya iyaleitwa Abimeleki. Kabili Sarah ali ne myaka umwanda umu, lilya line, lelo alipilibwilwe ukubwekela ku mukashana kabili alengelwe ukuba uwaemba. Bushe mwalishiba ico? [Ulukuta, “Ameni.”—Kale.] Cisuma. Kabili Abimeleki alefwaya ukumusenda ukuba umukashi wakwe. Muleibukisha i Mbila yandi pali cena? Abimeleki alefwaya ukusenda Sarah ngo mukashi wakwe. Nalimo akwete ibumba lya bakashi, lelo nga tamusendele nga cakutila alyupilwe kuli Abrahamu. Eico Abrahamu atile kuli Sarah, “Usose ukutila, ‘ni ndume yandi,’ pantu kuti anjipaya pakutila akubule iwe.” Cinshi tatamfishefye Abrahamu ukufuma mu calo, no kusenda umukashi wakwe no kutwalilila? Talyalifye funde ku bacetekela, lelo na ku bantu bonse mu bubumbo. Umubembu nangu uwashila, uli uwashingamwa, we mwaume, pakucita ifi. Kwali imfumu ya basenshi. Nibanga abaishiba ukutila ili lyashi lyacine? [“Ameni.”] Nimu Baibele, Mukutendeka, nalimo icipandwa ca 16, Ndetontonkanya.

<sup>208</sup> Mumone, Abimelec nga alimusendele ukuba umukashi wakwe. Ali ipekenye umwine ku kukwata uyu mukashana umupya uwa ci Hebere. Kabili atile, “Uyu ni . . .” Atile “Uyu ni ndume yandi.”

Atile, “Uyu ni nkashi yandi.”

<sup>209</sup> Kabili Abimelec atile, “Nalamusendafye kanshi ukuba umukashi wandi.” Bushe kuti mwaelenganya umuntu ukucita ica musango filya? Lelo ali cicitile.

210 Kabili nomba ilya nshita ya bushiku, lintu aile mukusendama, Shikulu amonekele kuli ena mu ciloto, kabili atile, “Abimeleki, ulifye ngo muntu uwafwa.” Alecingilila cilya, ulya umulopa waci Yuda kulya, mwamona. Atile, “Ulifye ngo muntu uwafwa. Nausenda mukamwine uo ulefwaya ukupa.”

211 Atile, “Shikulu, Mwalishiba amapange ya mutima wandi.” Atile, “Bushe ena tewanjebele ukutula ‘ni ndume’ yakwe? Bushe te wanjebele umwine ukutula ‘Uyu ni nkashi yandi?’”

212 Atile, “Nalishiba amapange ya mutima obe, e mulandu wine tekuti Nenge iwe uku Membukila.” Bushe ico cishinka? Atile, “Umu bweshe umukashi wakwe, pantu ulya muntu ni kasesema Wandi. Kano nga wa mubwesha umukashi wakwe. . . Kabili uleke akupepeleko, te shimapepo obe. Nga takupepeleko, inko yobe yonse ilefwa.” Ameni. Uko kusenamina ukwapulamo. Cishinka. “Inko yonse ilefwa. Ulya mukashi wa ulya mwaume, kabili ena ni kasesema Wandi.” Ameni. Ifyo EFYA SOSA SHIKULU. Ayo Malembo. Cishinka.

213 Nomba tulesanga ukutula, imfwa yaliletelwe. Imfwa eilenga ulubembu lwa mwanakashi, isa ukupitila mu mwanakashi kabili te mwaume. Kabili kupitila mu bwikashi bwa bumi bwakwe, kabili muli ena, imfwa yonse emo ishila. Kabili umusango aletelamo ubumi ni mfwa. Ni banga abaishiba ico? Yobo 14, nga mulefwaya ukulemba Ilembu.

214 Ninkwata, nga muletwishika ici, Ninkwata Amalembo ayalembelwe pali ifi fyonse.

215 Nga mulefwaya ukubelenga muli Yobo 14 mulya, Itila, “Umuntu uwafyalwa ku mwanakashi aba uwa nshiku ishinono, kabili aisulamo ubwaya.” Bushe ico cishinka? “Esa kwati liluba, alaputulwa, no konaika,” na fimbipo. Mwamona? Umuntu onse uwafyalwa ku mwanakashi, afyalilwa mu mfwa lilya linefye aisa.

216 Lelo lintu afyalwa mu kulengwa kwakwa Lesa, te kuti afwe; afuma kuli cilya cimbi Icimuti icalu mwibala lya Eden, Kristu. U Mweo uwa Muyayaya wisa ukupitila mu Cimuti.

217 “Oh,” muletila, “ali cimuti?” Mucine. “Ukuba, batile, ‘Wikalyako kuli ici cimuti.’ Lesa atile, Mukutendeka kunuma kulya, ‘Mwikalyako kuli ici cimuti.’”

218 Ukuba, umwanakashi cimuti. Ena cimuti cacisabo. Muli cisabo caba nyinenwe. Icisabo ca mwifumo nimwe. Ico cishinka. Elyo kabili icisabo ca Muti wa Mweo, ico icalu mwibala lya Edeni, ni Kristu. Ukupitila mu mwanakashi mwaishile imfwa; ukupitila mu Mwaume, mukulengwa kwa pakutendeka, mwaishile u Mweo. Ukufyalwa ku mwanakashi ni mfwa; ukufyalwa kuli Kristu Mweo. Mwalyumfya itontonkanyo? Kulya eko. Nomba mulemona uko tulesa utwanakashi twaile, bushe tamulemona?

219 Adamu Wacimo na Efa cilangililo cakwa Adamu wa cibili na Efa, mwamona, ukusanduluka. Nomba ukusanduluka kwakwa Adamu na Efa kwali ukupitila mu kukumana, ku kwisusha isonde, lelo tacali ifyo pakubala. Lesa apangilefye icilume ne cikota, nga fintu Acitile ku fibumbwa Fyakwe ifyashala, mwamona, icasuminishiwa, kwati fye li Chalichi.

220 Nomba lekeni ifwe, mukulangisha kwa ifi Fishinka ifyashinkishiwa ifyakwa Lesa, tufwailikishe ukuya pantanshi panono, nga mulefwaya. [Ulukuta lwatila, “Ameni.”—Kale.] Cisuma. Nomba ici kuti camulenga ukumfwako ububi panono mpaka tufike pesamba ya ciko, lelo Nalaesha fye ukumulangisha Icishinka ca ciko.

221 Takwaba kashimikila uwingopa mukamfwilwa. Bushe mwalishiba ico? Mulefwaya ukubelenga ico? Cisuma, muye mubwina Levi, ubwina Levi 21:7 na Esekiele 44:22, kabili Yalamulanga ukutila bashimapepo tabalingile ukuupa umwanakashi uyo uwa kumanapo no mwaume. Ici cipasho cakwa Nabwina wakwa Yesu Kristu nacisungu, pantu baleikata u Mulilo wakwa Lesa, bashimapepo balecita, abana baume abakwa Aaroni. Tatukwete inshita iya ku Libelenga lyonse, nokuti tufume ilyo tacilaba icungulo kasuba, tushelefyeye naba mineti amakumi yabili. Kabili abana baume abakwa Aaroni baleikata u—u—u Mulilo wakwa Lesa, eico tabalingile ukupa umwanakashi uyo uwakumenepo no mwaume umbi. Lesa uushipilibuka efyo asosele. Tabalingile ukuupa umwanakashi umbi, no mwanakashi uwakumanapo no mwaume, icilangisho pano, nga mulefwaya ukucimona, ukutila i Chalichi cakwa Lesa uwa mweo cabafye, icabuta, i Cebo cakwa Lesa, kabili te cilonganino ico icaikatwa no muntu.

222 Moneni, katubelenge ici apa. Ndefwaya ukuleta ici kuli imwe. Mateo 5, Yesu alandile pano palwa cintu cimo ico icaba icikankala nganshi. Tulefwaya ukucimona, Mateo 5. Nalilemba mu lyandi . . .

223 Nalishilapo pa fintu fimo ifyo Nali nokwisa sosa kubaumefye, eico nalikwatafye inshita iinono iyakufilanda kuli bankashi. Lelo Ndefwaya uku—ukufuma pano nomba libe . . .

224 Nomba, nkashi, Ndefwaya uku kubika mucifulo cintu i Cebo cakwa Lesa caculaya, kabili mumone kanshi ukutila mwaikala mu cifulo cilya, naimwe bene.

225 Mateo 5:32. Ndefwaya imwe ukumona ici pano, ku kusuminisha ili lyano limo line ilya “umo” na “abengi.” Mateo, sate- . . . Ndemona ni Mateo 5:32, 31 apakutendekela.

*Cena calisoswa ukutila, Uuli onse uwaleka umukashi wakwe, lekeni amupele kalata wakulekaninapo:*

226 Uyo ni Yesu uwalelanda, Uwatile, “ukufuma pakutendeka.” Nomba moneni.

*Lelo Ndelanda kuli imwe, Ukutila uuli onse uuli nokuleko mukashi wakwe, ukufumyapo... umulandu wabulalelale, amulengo ukucito bucende; ... (mwamona) uyo onse uukaleka umukashi wakwe, ukufumyapo...umulandu wa bulalelale, amulenga ukucito bucende: (Mulandu inshi? Akopwa na kabili.) kabili uyo onse ukamupa ena uwafuma kucupo acito bucende.*

<sup>227</sup> Mwamona, alikwata umulume uucili no mweo, eico kanshi takuli umwaume uwinga mupa. Te mulandu kufyo acita nefyo aba, acili alikwata umulume uucili no mweo, tapali ukusuminishiwa nangu kumo kuli ena. Lelo, tacaba, ku mwaume. “Amulenga ena,” te mwaume. Mulecumfwa? Mulingile ukulenga i Cebo cibe icakutwalilila. Mwamona, tapali nangu cimo icilesosa ukutila umwaume teti, lelo umwanakashi talingile. Mwamona, “amulenga,” te mwaume. Ifyo finefye efyo Baibele ilesosa, “amulenga.” Tacilesoswa ku mwaume ukukana upa na kabili, lelo “umwanakashi.” Mulandu nshi? Kristu mucipasho.

<sup>228</sup> Moneni, naxisoswa ukutila ena tekuti ope nakabili, kanofye nacisungu. Kuti aupa na kabili. Kuti au- . . .kuti aupa nakabili nga cakutila ni na cisungu, lelo tekuti ope mukamwine. Awe nakalya. Kabili nga cakutila aupa umwanakashi uwalekwa, ninshi aleikala mu bucende, Nshilesakamana untu aba. Baibele yatila, “Onse uwaupa uwalekwa, aleikala mu bucende.” Mwachimona ico, te banakashi abalekwa.

<sup>229</sup> Moneni kulya ukutendeka kunuma kulya, “ukufuma ku kutendeka,” nomba? Ukuupa nakabili, nomba moneni, umwaume kuti aupa, lelo umwanakashi tekuti. Nga Davidi, nga Solomoni, ngo kutwalilila kwa Baibele yonse, nomba, cimo cine nga Davidi na bambi abashala.

<sup>230</sup> Nomba moneni mu bena Korinti Wacimo 7:10, moneni, Paulo aleeba uyo umukashi uwaba, uwaleka umulume wakwe, ukwikala eka nangu ukubweshanya no mulume wakwe, tekuupwa nakabili. Alingile ukuba eka, nangu ukubwekeshiwa ku mulume wakwe. Tekuti opwe nakabili. Alingile ukuba eka, lelo, moneni, talandilepo pa mwaume. Mwamona, teti mulenge i Cebo ukubepa. “Ukufuma pa kutendeka,” ifunde lya kukumana ukupitila mu mpali. Nomba, i Cebo cakwa Lesa cabe ca cine ku cifyalilwa cakwa Lesa, caba mukutwalilila.

<sup>231</sup> Mwamona ifyo kwaba isukulu ilyaile ku kabanga, kabili nalimbi lyaile kumasamba, pali lyena? Mulingile ukubwelela ku Cine, ku kusanga ifyo caba.

<sup>232</sup> Lyonsefye efyo caba, ico e cipangano icalinga na Lesa ukufuma ku kutendeka. *Icakubalilapo*, libe ukutendeka takulabako, ukufuma pa kutendeka kwalifye umo umo. *Panuma* ilyo ulubembu lwaishilemo, lyena kwaishileba umwaume umo

elyo ne bumba lya banakashi; twaleni cilya mu cifyalilwa, inama ili yonse, na bantu kabili icifyalilwa ca mubili ni nama. Twaba mu musango wa nama, twalishibe ico, ifwe bonse, mwamona, kabili conse cabe icifyalilwa cakwa Lesa mukutwalilila.

<sup>233</sup> Lelo nomba apo Ifikakatikilo fyalisulwa, u Mupashi wa Cine ula tutungulula ku Cebo. Cilya cilelondolola umulandu ifilubo fyonse fyabeleleko ukupita mu nshita sha kunuma, pantu Ifikakatikilo fyali tafalaisulwa, Ici tacasokolwelwe. Cishinka.

<sup>234</sup> Moneni, imwe, tekuti mulenge ifinshingwa ukufilwa. Nge fyo Nashimikile kuli imwe munshita ya bushiku mailo palwa cishingwa icili panshi, cilingile ukwisamonekela bwino. Kuti kwaba shani icishingwa ca nsofu ukulaisa panshi, kabili ukukwato umunono, umwaume uwaonda aisamoneka ukuba insofu, nangu insofu ku munono, umwaume uwaonda?

<sup>235</sup> Nomba nga kuti mwacimona mu cipasho icapwililika.

<sup>236</sup> Nomba, kwaliba umwanakashi uwacishinka, umwanakashi uwacishinka, nacisungu, uyo upwa ku mulume wakwe, nokwikala, kabili ena cintu icapalwa ku mwaume. Nga Lesa kuti apela umwana Wakwe icintu icawamisha ngo mukashi, kuti Apela cilya kuli ena.

<sup>237</sup> Lelo apangwa ku mulimo wa kukumana, kabili takwaba icinama cimbi icapangwa muli uyo musango. Takwaba icibumbwa cimbi pe sonde icapangwa muli uyo musango. E mulandu wine mulemwena impali, pa mulandu waico. Ico e caletele cilya mukati.

<sup>238</sup> Nomba mulolekeshe, mukusoma kwaku lekelesha, mulolekeshe, kwaba Yesu Kristu umo (bushe ico cishinka?) u Mwaume umo, Lesa, Manweli. Bushe mulecetekela ico? Lelo ifilundwa fya Mukashi Wakwe fingi, mwamona, imyanda mishila iya myanda (bushe ico cishinka?), Umukashi Wakwe, Nabwinga, Chalichi. Muleumfwa ico nomba?

<sup>239</sup> Emulandu wine Atile kuli Adamu, libe ukukumana takulabako nangu ukuletwa, “Sandaneni, ukwisushe sonde,” lintu alifye muntendekele, lintu ena ali fyonse fibili umwaume no mwanakashi mu mwine eka. Ico, kanshi cilelangisha ukutila Nabwinga alingile ukwisa ukufuma mu Cebo, ukupitilla mu kusandana kwa mu mupashi, ukusandana, mwamona, ku kwisushe sonde.

<sup>240</sup> Nomba mumulimo wakukumana, mwamona, amasukulu yalipanga ifi fintu fibili ifyasankanishiwa. Eico tekuti mucicite, mulingile ukucibwekesha ku Cine caciko, “pa kutendeka.”

<sup>241</sup> Kabili na ku mpela kukaba Shikulu Yesu umo, na Banabwinga Bakwe abengi, umo. Muleumfwikisha? Kwali Davidi umo pa cipuna cimo ica bufumu, imfumu imo (uwapa mutima wakwa Lesa Umwine) na bakashi imyanda isano. Yesu naikala pa cipuna Cakwe ica Bufumu (Alleluya!), mu

Millenium, no Mukashi; kwatifye fintu cali pakutendeka, alengelwe ukufuma kwiloba, ukupitila mu kuboko kwakwa Lesa Uwapulamo, mukubushiwa, kwaba membala abengi. Mwachimone ico.

<sup>242</sup> Mwe banakashi, lwisheni ukube ifyo, iseni muli Kristu, lyena tamwakabe muli filye fiko ifyakowela kunse kulya. Lelo nga mucilifye ba membala wa lukuta mulesha ukwikala bwino no nemibele iisuma, mwebene, tamwakatale amukwanisha. Nangula umwaume tekuti akwanishe kunse yakwa Kristu. Ngefyo Paulo atwalilile ukutila, “Lelo mulya, muli Kristu, takwaba umwaume nangu umwanakashi.” Bonse babafye umo.

<sup>243</sup> Lelo ukwisa kuli ici *Icupo No Kulekana* ukucilungamika, pakutila mwingeshiba ico icali icalungama ne calubana, nomba Alelangisha apa pambilibili ifi fipasho. Kwaba Kristu umo, ne filundwa ifingi ifyaulya Mukashi. Moneni, Ena kuti atuleka pabulalalale bwa ku mupashi kabili na masambilisho aya bufi, inshita iili yonse iyo Alefwaya; lelo kuti mwaesha shani ukumukana Ena, kabili ukukwanisha? Umwaume kuti aleka umukashi wakwe nokupa umbi; lelo te mwanakashi ukuleka umulume no kupwa kumbi. Mwafimona fyonse ifinshingwa ne fipasho filya ukubikwa bwino bwino? Mwamona ububumbo bwa kubalilapo; tapali icafumishiwamo apali ponse. Te chalichi; Nabwanga ukupitila mu Cebo. Te mwanakashi; umwaume, inshita yonse. E mulandu wine tacilanda nangu cimo ukukanya umwaume ukucicita; lyonse mwanakashi. Ico cishinka.

<sup>244</sup> Lelo kuti aba Nabwanga wakwa Kristu, pakuba... Kabili ibukisheni, ena pakuba icilundwa ca mwaume, Baibele itila kuti aba... “Nangu cibe fyo Nshilesuminisha umwanakashi ukusambilisha, nangu ukukwata ubutungulushi ubuli bonse, lelo ukwikala tondolo. Pantu Adamu e wabalilepo ukubumbwa, elyo ni Efa. Kabili Adamu tabelelekwe, lelo uwafumishiwakofye ewabelelekwe. Lelo nangu cibe *fi* umwanakashi akapusushiwa nga aikalila mu kushila na mukucetekela, na mu kufyala abana, na fyonse ifi,” pantu nomba esa mukuba icilundwa ca uyu mwaume. Ico e cileta...

<sup>245</sup> Cinshi Abrahamu... Cinshi Lesa taipaille Sarah lintu aikele kunuma kulya, alekana, no kulabepa mu cinso cakwa Lesa? Alikele palya ngo Muntu uufwa, aleya inama, aleyo mukate, alenwa umukaka, kabili Atile, “Cinshi Sarah asekelo mukati mulya kunuma,” kunuma Yakwe, mwitenti, Ena tatalile ukumumona, “ukusosa ifi, ‘Nge fi fintu kuti fyaba shani?’”

<sup>246</sup> Atile, “Nshilandilepo ifyo!” Oh, ooh, ine! Ukweba Lesa ukutila Ena wa bufi, ku cinso Cakwe? Lelo tekuti Amwipaye. Cinshi? Abe cilundwa cakwa Abrahamu. Ameni. Tekuti amucene ukwabula ukucena na Abrahamu.

<sup>247</sup> Nomba imwe mwe banamayo mwamona ulubali lwenu. Kabili Baibele yatila, “Imwe mwe banakashi mube nga fintu



Sarah ali, uyo uwalefwela amalaya ayamucinshi, aikele uwa cishinka no bufuma cumi ku mulume wakwe, ukumutemwa nganshi icakutula ena. . . alemwita ‘shikulu,’” wakwe kateka, ubwine.

248 Kabili imwe, bamo abanakashi, ukulafwala ifi ifyakufwala ifya bipa nokulaenda ukulailangisha mwebene ku baume. Yesu atile, “Uyo onse ukalolekesha pa mwanakashi ku kumukumbwa ninshi nacita nankwe kale ubucende mu mutima wakwe.” Nomba ninani uli no mulandu, iwe nangu umwaume? Ena mwaume, ena apangilwa pakutula engacita ifi, mwamona; kabili uli mwanakashi, cena cilingile ukukana.

249 Kabili mulandu nshi mufumina kunse muli ulya musango? Te kubusuma, namwishiba tekuti cibe, ilyo kuti wafwa ku mpepo naufwala natulya utuputula. Mwamona, tacabela ku busuma. Nomba ni cinshi? Pa mulandu wa kukowela! Tekuti mu cisumine, lelo eflyo Baibele isosa. Ici Cishinka. Mupashi uwakowela uwaba muli imwe. Nga tamulefwaya ukuba abakowela; lelo tamwiluka, ku mupashi mwali kowela, pantu muleilangisha mwe bene ukuba abakowela.

250 Nomba, umwaume, nayakote, ayalamba, amakufi yakwe ayakalabana, kabili nga alifye mupepi nokukana fwala ifyakufwala ifili fyonse, teti cipange ubupusano ubuli bonse, umubili wakwe tautunka. Mulandu nshi? Ena ali mububumbo bwa pakubala, imibele; ilingile ukuba, mwamona. Lelo, uli icafumishiwakofye, ica kutunkilako.

251 Lesa, kwateni uluse! Oh, ine, ili sonde lya lubembu! Nkatemwa nga lyapwa.

252 Moneni, Ena kuti aleka umukashi Wakwe inshita ili yonse iyo Ena alefwayo kucita, lelo umukashi tekuti Amuleke; Ena kuti anenga, Ena kuti amposa mu lukungu inshita iili yonse Alefwaya ukucita, lelo, oh, munyina, Nshilingile ukweshwa Ukumuposela mulya, ninshi campwila Ine.

253 Solomoni aleupa umwanakashi uuli onse uyo uushaupilwe, aleupa umwanakashi uli onse uo alefwaya. Shimapepo alingile ukupafye umwanakashi uyo uwali nacisungu. Solomoni . . .

254 Pamo nga Davidi, aliupile (aili ninani ishina lyakwe?) Abigail. Uyo, kwali umwaume umo uwaleitwa “icawelegele,” alikwete umukashi umusuma, kabili alifwile. Na Abigail alyupilwe kuli Davidi; aali ni mfumu, tali shimapepo, mwamona, eico ali—aliupile.

255 Lelo shimapepo tekuti acite cilya, pantu aliikete nangu asendele umwanakashi ukuba umukashi wakwe uyo uwalipo muka mwine. Ico cilelangisha bu nacisungu bwa Chalichi cakwa Shikulu Yesu Kristu, Nabwinga ali no kwisaba ceka ceka, i Cebo, tapakabepo i Cebo nangu cimo icikabulilamo mulya. Mucine. Bushe kuti mwaengelanya nabwinga uwalinga, uwabula ibele limo, kabili, na limbi iyashala, icintu cimo nacimbi icalubana,

namwishiba? Ulya tekuti abe ni Nabwinga wakwa Kristu. Aba uwapwililika. Aba ifintu fyonse i Cebo, tapalingile ukuba i Cebo nangu cimo ukufilwa apali ponse. Iyo.

<sup>256</sup> Moneni, Ena kuti amuleka, lelo umukashi tekuti amuleke Ena. Alicicitile, no kucishininkisha, mu nshiku lintu Luther, Wesley, na Pentecosti, ilyo bakene ukuba icilundwa Cakwe icashala pa ku kwata ukwampama ukwa kukumana kwa mu mupashi ukuti bengesa imita ne ciputulwa icashala ica Cebo. Muleumfwikisha? Calikene. Icalichi ca Lutheran cakene Kristu ukukwata uku kumana nankwe nakabili; Luther alikene. Kabili lekeni nsose ici, mwalanjita icili conse nelyo line; eflyo caba ne lelo na bonse abashala, balafilwa ukusenda cilya i Cebo, balakana Kristu!

<sup>257</sup> Kabili umwanakashi uuli onse ukanyo mulume wakwe ukukwato mwana, tali uwalinga ukuba umukashi kuli ena. Ameni. Muleibukisha, mu Baibele, lintu imfumu yaupile Esther? Pantu namfumu alikene, aishile sendafye naumbi. Kabili ilyo. . . Finshi fyacitike lintu akene ukwisa ku mfumu no kuinakila? Caba icintu cimo cine na ku mwanakashi uyo uukana ukuba umukashi ku mulume wakwe.

<sup>258</sup> Kabili ifyo eflyo caba na kuchalichi ico icikana ukwimita mu nshita iyo tuleikalamo nomba, ukuleta abana abaino nshita. Tatuli ba Lutheran, tatuli ba Wesley, kabili ifwe tatuli ba Pentecosti! Tulingile ukuba abana baino nshita, ukupitila mu kwimita kwa Cebo cakwa Lesa, ku kufyala u Mwana waino nshita, u Mwana wa Lubuto. Ameni. Ndesubila muleumfwikisha. Tekuti bemite, iyo, eico cinshi Acitile? Ali mutamfishe, ku kumuleka. Ico cishinka. Lelo umwanakashi tekuti acicite ukumuleka Ena. Ena ewamulekele.

<sup>259</sup> Alitwalililefye ukulasokolola i Cebo Cakwe ku Mubili, no kushininkisha Ena, cimo cine, Umwine eka. Abana bakwe batendeke ukulamonekafye kwati ni Ena, pantu Cileya cilefikapo, nangu, balesa mukuba abana ba Cebo, te bana ba chalichi. Abana ba Cebo! Kabili Nabwinga akaba Namayo umunono uwatemwikwa uwa Cebo, uwapwililika, uwabula ukwikatwamo ne cilonganino icili conse ica muntu, amasambililo ayali yonse ayapangwa no muntu. Akabafye uwapwililika, Nabwinga wa Cebo! Ameni kabili ameni! Ndesubila muleumfwa ico, abo abali pa mwela. Akaba umwana mwanakashi wakwa Lesa uwaimita.

<sup>260</sup> Mwamona eflyo umwanakashi engapelwo mu cinshi? Mwamona ifyo lwingaba icintu icikalamba, lelo moneni ukukowela kuntu lwalufisha? Elyo ukwasha ukupalanya cilya chalichi kulya ne Chalichi, tekuti mucicite. Kabili mweshe ukupashanya cilende wa mu musebo ne Chalichi cakwa Lesa uwa mweo; nangu umwanakashi, umwanakashi uwalinga, na cilende?

261 Bushe cinshi kwabela ifintu nga filya? Lifunde lyakwa Lesa, ifunde lya kupashanya. Bushe kuti twaumfwa shani bwino inshita ya kasuba nga takwali inshita ya bushiku? Bushe kuti twaumfwa shani bwino ulusuba nga takwali amainsa? Bushe kuti twaumfwa shani bwino no kupelo mucinshi ku mwanakashi umwine mwine, nga takwali ulya uwakowela?

262 Atwalilile fye ukula Cisokolola, ukulasokolola i Cebo Cakwe, lelo tecakwasha umu muli ifwe ukwasha ukumuleka Ena no kupa umbi.

263 Nomba mucine caba pa mbilibili umulandu amalyashi yonse yabili yabela ayalubana. Tekuti mucilenge ciye *uku* lubali, ninshi capwa; mweshe ukucilenga *filya*, kuti caya fye ukuciluka no bulayo. *Ubu* apa bulayo, ici cintu pano pene. I Cebo taci italikisha icine. Cilingile ukwikala mu kutwalila nomba, nga filya Mateo 28:19 taitalikishanya ne Milimo ya Batumwa 2:38.

264 Nomba, bamo muli imwe mwe banakashi, bamo muli imwe mwe baume, Ni—Ninjishiba ta—tamulesuminishanya na Cena. Pantu, namwishiba, teti mufise ico nomba. Teti mucifise.

265 Lekenifye mulangishe icintu cimo. Nga Mateo 28:19 yatila, “Kabiyeni imwe noma, kasambilisheni inko shonse, ukubabatisha mwi Shina lyakwa Taata, ne lya Mwana, ne lya Mupashi wa Mushilo,” kabili baliile, kabili no muntu onse uyo uwa batishiwepo abatishiwe ukupusana kuli ico, abatishiwe mwi Shina lyakwa Yesu Kristu, pantu nangu ni munshita shonse isha Baibele kabili na pa myaka imyanda itatu panuma ya nshita ya Baibele, ukufika na ku Nicaea Council. Elyo bapyanishepo ifishilano mu cifulo. Bupusano nshi, nga ta cisokolwelwe?

266 Bushe mwalishiba i Buuku lyonse, Baibele yonse, busokololo? Ifyo eflyo mulingile ukwishiba icine pakati ka ici nacimbi, nipa mulandu Caba busokololo. Kabili ubusokolo bulingile ukulinganafye ne Cebo, tekupusana ne Cebo. Muletila, “Ukuba, Ine, calisokolwelwe kuli ine.” Elyo kabili nga nacipusana ne Cebo, tacatala ukufuma kuli Lesa. Ico cishinka.

267 Nga mulefwaya ukusenda Mate- . . . Mateo 16:18. Yesu atile, Umwine, ukutila i Chalichi conse, i Chalichi Cakwe, lukakulwa pa busokololo ubwa ku mupashi ubwakwe Umwine, ico icili Cebo. “Ndesosa kuli iwe, niwe Petro. . . Kabili umubili no mulopa tafyatilile ukusokolola ici kuli iwe, lelo Taata Wandu uyo uwaba mu Muulu ewa sokolola ici kuli iwe. Kabili pali ici cilibwe. . .”

268 Nomba, Nalishiba, ifibusa fyesu kulya ifya mu Katolika, mutila, “Lwakulilwe pali Petro, kabili Petro umutumwa, eico, *Wakuti-no-wakuti*, mukusuminisha kwa batumwa, mukupyana.”

Ba Protestanti batila, “Lwa kulilwe pali Yesu Kristu.”

269 Mukukana pusana, lelo sendenifye ico Asosele! Atile, “Umubili no mulopa tafisokolwele ici kuli iwe lelo Taata Wandu uwa mu Muulu asokolola ici kuli iwe. Kabili napali ici cilibwe” (ubusokololo bwa ku mupashi bwafyo i Cebo caba) “Nkakula i Chalichi Candi; ne mpongolo sha kumbo tashakatale uku Cilwisha.” Umukashi Wakwe takatunkwe no mwaume umbi. “Nkakula i Chalichi Candi, ne mpongolo shakumbo tashakatale uku Ciwisha.”

270 Kabili Abele na Kaini, mwibala lya Edeni. Kaini abomfesho amano yakwe umwine, atile, “Nomba, lolekesheni, Lesa ni Lesa umusuma. Alipula pa cifyalilwa conse, eico Nalasenda cilemba ne fyumbu, kabili Nalasenda a—amaluba, kabili Nalamupangila Ena icipailo icayemba.” Ico chalichi. Alifukeme panshi. Alicetekele Lesa. Alishinshimwine Lesa, no kwimya amaboko yakwe, kabili ali pele ili lambo. Acitile fyonse fye ifya bukapepa ifyo Abele acitile.

271 Abele akulile icipailo cimo cine. Lelo lintu Abele aletele ilyakwe, aletele umwana wa mpaanga. Nomba, Kaini atontonkenye ukutula, ukupanga icaku konsolwela ulubembu, ukutula ba nyina na ba wishu balingile ukulya icisabo, nga fintu basambilishiwe muli lilye bala. Lelo Abele, ukupitila mu busokololo bwa Bulesa, alishibe ukutula mulopa e wacitile. Ukupitila mu busokololo bwa Bulesa! Kabili Baibele yatila mu ba Hebere, icipandwa ca 12, icipandwa ca 11, ukutula, “Abele, ku cicetekelo,” (ubusokololo) “apele ilambo kuli Lesa ilyawamishapo ukucila ilyakwa Kaini, ni muli ico Lesa apele ubunte ukutula ali umulungami.” Bushe ico cishinka? Ameni! Munyina, nkashi, cilifye pambilibili nge fyo icili conse cingaba, kuli ine. Ico e cintu conse.

272 Nomba pa *Cupo No Kulekana*, mwamona, cilingile casokololwa. Mpaka casokololwa, tekuti ucishibe. Lelo Ena alaile muli ishi nshiku shakulekelesha, muli ino nshita, ukutula ifyankama fyonse ifyafiswa ifya mu Baibele fikasokololwa. Nibanga abaishibe co? Ukusokolola, icipandwa ca 10! Yesu alicilaile, ukutula fyonse ifi ifyankama ifyafiswa pa—pa *Cupo No Kulekena*, fyonse ifi ifyankama ifyafiswa ifyabako, fikasokololwa mu nshita sha kulekelesha. Nomba ibukisheni, i Shiwi lyatile, “Kabiye ku Tucson.” Muleibukisha u Lubuuto ulukalamba mu mulu? Malaika uwalenga cine lubali uwaiminine kulya? alibwelele, kabili ukwisula ka Fikakatilo Cine-lubali. Mumone ifyacitika. Ico cishinka.

273 Nomba ukuyakofye pa ntanshi panono. Lelo nomba, mumfwikishe imwe! Ninjishiba ilepalama inshita yenu iyakuya mukulya, lelo Ndelyafye bwino.

274 Moneni, nomba, umwanakashi alikwata icifulo cakwe, kabili ena libwe. Solomoni, uyu mwaume uwakwete abakashi amakana ikumi. . . nangu akwete abakashi ikana limo, ntile, atile ukutula,

“Umwaume uyo wasanga umukashi, nasanga icintu icisuma sana.” Atile, “Umwanakashi umusuma libwe mu cilongwe cakwe,” uko kucindikwa. “Lelo uyo umo uushalungama menshi mu mulopa wakwe,” ubo bumi bwakwe. Atile, “Kuti kwaba umwaume umo umulungami pekana limo,” Solomoni eflyo asosele, “lelo,” atile, “tekuti musange umwanakashi umo uwalungama pe kana limo.” Solomoni eflyo asosele, mwamona. Nomba mumone ico, ifyo eflyo caba.

<sup>275</sup> Lelo, mwamona, we mwanakashi, uli—uli libwe ngo lulefwaya ukuba ilibwe, lelo ukukabila kulingile kwafuma kuli iwe. Kabili mwamona umulandu ifyo *Icupo No Kulekana* cali, ukuti Yesu asontelele kunuma kulya, ni pa mulandu umusango wenu ewaletele ulubembu lonse. E mulandu wine impali no kulekana, ne fintu, fyaletelwe. Pakutendeka tacatalile acibe fyo, kabili tacakatale ukubako ifyo mu calo kwishilya kulya.

<sup>276</sup> Lolesheni pali Yakobo, ukufuma muli ena mwaishile ifikolwe. Alikwete nalimo abakashi ikumi na babili. Alyupile bankashi babili, kabili alikwete abakumbali abakashi kulubali lwa ico, abanakashi bamumusebo abo aleikala nabo. Kabili filye fikolwe fya fyelwefye ukufuma muli balya bene abanakashi bakumbali. Bushe ico cishinka? Mwamona, mulingile ukulenge Cebo ukutwalilila bwino.

<sup>277</sup> Oh, Ninkwata amabula pali fyena. Nga shimapepo kuti anjipusha pali cena, kabili kuti twaikalila capamo, kuti twacilandapo. Lelo mucine, nga alibako uwa bumupashi munshila iyili yonse, kuti amona pano pene ukutila cena e Cishinka. Takuli ilipusho kuli Cena.

<sup>278</sup> Umwanakashi umusuma cintu cisuma. Naliishiba ico. Nalicishiba ku banakashi bene bene. Nalikumanyapo abanakashi abene bene abo ababa aba cine, abene bene kwati mwaume uuli onse uyo uwaikelepo.

<sup>279</sup> Ena cintu cafumishiwako fye kabili ciputulwa ca mwaume, kabili mukuwa aumfwile kuli ena. Alifye... Aba ciputulwa ca mwaume. Lelo, cili kuli ena, alipangwa pakutila engaba uwakowela, kabili alipelwe nsambu ishakukana nangu ukusumina. Ico nacipusana ne cifyalilwa ca pakubala pa kutendeka, mwamona, lelo mwacimona ico.

<sup>280</sup> Nomba caba twelufu koloko, eico Nalashapo fye fimo pano pa ma miniti ayanono. Ndefwaya ukumipusha icintu cimo.

<sup>281</sup> Nomba, ibukisheni, Ndesosa ifi kwi bumba lyandi lyeka epela. Kabili noko pamwela, Ndesosa fye ifi kuli abo abankonka. Iyi Mbila ilifye kuli bena, kabili nefyo Nalasosa pano.

<sup>282</sup> Kashimikila onse, uyo, ulo lwakwe, ee, ena ni kacema wa mukuni, lekeni acite fyonse ifyo alefwaya ukucita. Ico cabafye kuli ena na Lesa. Shimapepo uuli onse, kashimikila uuli onse, ico caba kuli iwe, munyinanane.

283 Ndelandafye muno mu Jeffersonville, incendefye yeka iyo Ningalandilako ici, ni pa mulandu mukunifye wandi. Mukuni uo Mupashi wa Mushilo ampela ukuwishiba ukubelapo kangalila, kabili Akanenga ukwasukilapo pali wena. Kabili aba bantu bandi ababa abapilibulwa kuno ukufuma mu ncende shonse, abo Natungulula kuli Kristu. Kabili, mwebana abanono, Ndi kuno ku kumwamfwilisha, kabili Ndi cibusa wenu. Kuti mwatontonkanyo ukutila Ndemususha; Ndesosa ici, mwamona, ku busuma bwenu. Nalimutemwa. Kabili ifyo nga tefyo cili, Lesa ni Kapingula wandi. Mwalishiba ukutila Nalimutemwa.

284 Ici cintu icakosa nganshi, Nshaishibe nefya kucileta. Cinshi ico Nkacita, lintu Ninkwata abaume na banakashi abashi mu lukuta lwandi, bamo balyupwapo imiku ibili nangu itatu? Abaume abasuma na banakashi abasuma, bonse abasakanishiwa! Cinshi calengele? Amasambilisho yabufi, mu cine, ukukana lolela pali Shikulu.

285 “Ico Lesa alundanya pamo, mwileka umuntu acipatukanye.” Tecilya umuntu alundanya pamo; nico “Lesa” alundanya pamo! Ilyo wakwata ubusokolo ubwa kufuma fye kuli Lesa, uyo mukashi obe, kabili icintu cimo cine, uyo obe, inshiku shonse isha mweo obe. Mwamona? Lelo ico umuntu alundanya, uuli onse kuti acipatula. Lelo ico Lesa alundanya, takuli umuntu uufwile ukwesa uku cikata. “Consefye ico Lesa alundanya pamo,” Atile, “mwileka umuntu acipatukanye.” Te cilya ico magistrate ukolelwemo citika nangu icintu cimbi ukucibika pamo, nangu kashimikila umo uwa bwelela kunuma no mwina wa fisumino mwi buku, uyo uwingabalenga ukucita icili conse mu calo, kabili i Cebo cakwa Lesa cilipalya pene. Mwamona? Ndelanda pafyo Lesa alundanya capamo.

286 Nomba Nalasosa ici kuli imwe. Ndi uwaposako amano kufyo Ndesosa kuli imwe. Nshile pilibula ukuba uwakalabana kuli imwe mwebantu. Nshile pilibula ukuba uwakalabana kuli imwe, ba munyanane ba kakumba. Nshilepilibula ico. Lelo Ndi uwashingamwa, ukumona ukutila ici capelwa mumaboko yandi, kabili nga. . . Tekuti Ncikatilile, kabili Nshaishiba Ifyakucipela, kabili Ninjishiba ukutila iyi tepu ikacita. . . Oh, owe, Ndi no kuiteyanyafye, ukwisula i ofeshi, pantu ici cileisa. Mwamona?

287 Kwatifye ni filya pa *Bufyashi Bwa Nsoka*, lelo calishininkishiwa mucine ukuba icalungama. Ninkwata amapepala pano pene, ukufuma mwipepala, uko abanakashi ino ine nshita. . . kabili ni—ni mufikalamba. . . Yamo pa ma dioceses ayakalamba yalikwata ifikope fyacilya icituntulu, ilya nsoka ileenda pe tanta lya mwanakashi, kabili umusango ishingulukila pali ena; alakwatwa imyumfwile ya misango yonse ne fintu, icintu cimo ico umwaume teti amupele ukumfwa, ne iyi insoka iikalamba naimupomba, na fimbi ifyashala. Ico cishinka nganshi. Kabili cilya cilebipa ukulabipilakofye, kabili cili

nokubipilakofye. Insoka, fintu tayali. . . nga tayatalile ukukwata ukukumana pamo nankwe lintu yaali insoka, lelo ibukisheni. . .

<sup>288</sup> Nalikwete ukutalikishanya ubushiku bumbi na ka. . . te kutalikishanya, kashimikila fye umu uwa ku Assembly of God no munankwe, batile, “Waliluba, pali Ico.”

Natile, “Ukuba, limbi kuti Naliluba. Kuti natemwa imwe ukunjeba.”

<sup>289</sup> Elyo atile, alitwalilile no kutendeka ukulanda pali lyena. Icintu cakubalilapo na mwishiba, ali ilufishe umwine. Ne cintu cimo ico alandile, atile, “Munyina Branham, nga cilye cibumbwa caba kwisa? Lesa atile ‘cimofye icapalana na cilya.’ Nomba cilikwisa cilye cibumbwa watile caba pakati ka muntu ne cinama, ico science tekuti isange nomba? Nikwi caba?” Atile, “Bushe caba pe sonde? Bushe cali ni kolwe umukalamba?”

<sup>290</sup> “Iyo, pantu umulopa wakwa kolwe umukalamba tekuti usankanishiwe no mulopa wa mwanakashi, takwabe icinama cimbi icingasankanishiwa pamo nankwe. Iyo, tekuti, nangula umulopa wa mwaume ukusankana ne—ne cikota. Tekuti cicitwe.”

<sup>291</sup> “Kanshi caba kwisa cilye cinama? Nomba, Lesa atile, ‘Lekeni icili conse cilete umusango wa ciko.’”

<sup>292</sup> Nalolelelefyee pali miniti. Kabili ubusuma bwa Mupashi wa Mushilo bwatile, “Mwebe, ‘Cili pano.’”

Nomba, pakubala Natile, “Ukuba, limbi caishileleka ukumonekela.”

Atile, “Lelo, Munyina Branhamu, ico, tulelanda pa Cebo, bushe teco tulelandapo?”

<sup>293</sup> Natile, “Ee, mukwai.” Kabili Natile, “Bena, mucine, basoso kutila ifintu fimbi ifyashala, nge fima dinosaurs kabili—ne fi ma mammoth, kabili ne fyashala, ifi finama, nangu ifinama ifikalamba, ntile, fyalipwa, nafimbi ifyashala.” Natile, “Limbi efyo cali.”

<sup>294</sup> Atile, “Munyina Branham, tulelanda pakushininkisha kwa Cebo. Ngo lubembu luli pano, ninshi, ulubembu lwantendekelo, lulingile ukuba pano nalo.”

<sup>295</sup> Kabili Natile, “Shikulu Yesu, Mwatile, ‘Mwikatontonkanya ifyo mukasosa nga mwaisa ku bantu, pantu cikapelwa kuli imwe pali ilya ine nshita.’ Shikulu, finshi Nalasosa?” Atile, “Mwebe, ‘Cili pano.’” Umusangofye umu wine uo Mwenamo ifimonwa nga ndikuntanshi.

<sup>296</sup> Natile, “Cili pano,” ukukana ishiba kuntu cibebele.

Kabili atile, “Cilikwisa?”

Kabili lintu fye Nshilatontonkanya, Atile, “Ninsoka.”

<sup>297</sup> Ifyo finefyee efyo cali, pantu tacaba cinama na kabili. Cali tipilwe no kubikwa ukula endela pa lufumo lwaciko inshiku

shonse isha mweo waciko. Cili pano. Bushe ico cishinka? Kabili icili yaba muli ulya wine umulimo uo acitile, kucili kwaba ulubembu lumu lwine ulubombela mu mwanakashi, kwati kukumana no mwaume filya finefye. Palya epo akwatila amenso aya bulalalale ne fintu, ilyo akwata ifyakumfwa umfwa fyakwe ukucilishapo kufyo umwaume engacita.

<sup>298</sup> Nalalekela apapene pantu tuli mwibumba ilyasankanishiwa. Nalaya ku baume bamo, Na...twalalanda sana pali cena. Ninkwata amapepala yonse ne fintu ifibikilwe pano pene, pa kuboko kwandi fye na nombaline, kabili Naciba no kufileta kuli imwe muno lucelo. Naciba no kusenda ubushiku ubutuntulu pali ici, lelo Nalaisala nga napwisha ukulande fi.

<sup>299</sup> Ici cakulukuta lwandi lweka. Te lukuta lwandi...Mukuni uunono uyo uwacetekela ine kabili ulankonka, ici cakuli bena.

<sup>300</sup> Ubushiku bumbi, ukwishiba ukutila lyonse ilyo Namyeba icintu icili conse, cilingile caisa EFYO ASOSA SHIKULU, elyo Ndakwata Amalembu nga fintu Acisokolola kuli ine. Lelo, “Shikulu Lesa, finshi Ningasosa kuli ulu lukuta? Ndi nokukwata abakalekana. Umwaume akekala mu cipinda cakutushishamo kabili na panse mu lubansa, na konse ukwashala, ‘Bushe Muleke?’ Abanakashi, ‘Bushe Ndeke umulume wandi?’ ‘Finshi Nalacita?’” Natile, “Shikulu, finshi Ndinokucita?”

<sup>301</sup> Kabili icintu cimo catile kuli ine, “Kabiye pa mulu wa lupili, kabili Nalaya landa kuli iwe.”

<sup>302</sup> Kabili lintu Nali pa mulu wa lupili, no kukana ishiba ukutila pe samba mu Tucson bale Cimona. Lelo nabakafundisha bene baebele abana ukufuma...umukashana wandi umunono na bena, ukufuma mu class, no kutila, “Lolesheni kunuma kwa lulya lupili! Pali ulubingu lwe Kumbi lwa finyamuti ululemonekela mu mulu kabili luleika ukwisa panshi, lulenina ukuya mu mulu no kwika panshi nakabili.” Ubukata kuli Lesa.

<sup>303</sup> Misisi Evans, bushe uli muno? Ronnie, uli muno? Naishile pitila pa station, uyu mulumendo munono pa filling station, Evans filling station kulya. Kabili lintu Nshilaishiba ifyo umulumendo ali nokusosa, bwangu bwangu atendeke ukulanda kuli ine, atile, “Munyina Branhamu, waciba pa mulu wa lupili lulya, bushe te iwe?”

<sup>304</sup> Natile, “Finshi wapilibula, Ronnie? Iyo,” mwamona, ukumona ifyo ali no kucita. Inshita ishing'i ifintu filacitika, Nshicita, taufwile ukweba abantu. Cisa mukuba...Icintu ca ici nici, mulamona ifintu ifingi ukucitika, ciisa mukuba icintufye kuli imwe. Mwamona? Nshebafye abantu. Natile, “Ronnie, ni cinshi ico iwe...”

<sup>305</sup> Atile, “Kuti nakulangishafye palya pene fye epo wacibela.” Atile, “Naitile ba mayo, kabili twaiminine pano no kulolekesha liye Kumbi ilepelela palya, ukulaya pa mulu na panshi. Natile,



‘Cilingile ukuba Munyina Branham naikala pa mulu palya pa ncende imo. Ulya ni Lesa ulelanda kuli ena.’”

<sup>306</sup> Kabili umusumba onse, abantu, balilolekeshe kuli Cilya. Pa bushiku ubwa kasuba sana ukwabulo kubako amakumbi ukuli konse, kabili neli Kumbi ilikalamba ilya finyamuti; ukulaika panshi kwati ca kweengelako, kabili no kulaya pa mulu no kulakulilako.

<sup>307</sup> Mwe fibusa, kabili nomba Ndeisala, kuti mwaya panuma ya ci. Lilya elintu Ici casokolwelwe kuli ine, fintu Nalamweba nomba line, eico Mwicipanya.

<sup>308</sup> Nomba Ndelandafye ku batukonka, abo abalekonka ine neifye i Mbila epela, te bakunse. Mube bakambone bandi kuli ici ku cinso cakwa Lesa. Kuli ili ibumbafye lyeka!

<sup>309</sup> Nomba tulesangwa muli ici cimfulunganya ni pa mulandu wa bwilulo bumbi ubwa masambililo ya bulesa. Bushe ico cishinka? E mulandu wine imwe mwe banakashi mwaupilwe umuku wacibili, na iwe we mwaume, ni pa mulandu wa bwilulo bumbi ubwa masambililo ya bulesa. Nomba Ndefwaya ukumulangisha icintu cimo ico Anjebele.

<sup>310</sup> Kabili nga Lesa, Kalenga wesu, aliipushiwe ilipusho lintu Ali pano pe sonde, Yesu Kristu; kabili lintu kasesema Wakwe uwakupokolola aishile, Mose, mulya mu Egypto, ku kufumya abana kunse ya—ya Egypto, ku kubatwala mu mpanga ya bulayo; kabili Yesu atile pano ukutila Mose pakumona bantu muli iyi mibele, kabili alibapele inkalata ya kulekana, pantu ubwafya bwali muli ulya musango. Mose asangile, ifya musango nge fi, “Alibalekele. . .” Lesa asuminishe Mose, ulya kasesema uwatuminwe ku bantu, ku kubapela iyi nkalata yakulekana kuli bena.

<sup>311</sup> Kabili mu bena Korinti Wacimo i—icipandwa ca 7, na versi ya 12 na 15, muli kasesema uwa mu Cipangano Cipyu, Paulo, uwasangile icintu cimo cine mu lukuta, kabili asosele ici, “Ici Nine, te Shikulu.” Bushe ico cishinka? Ni pa mulandu wa mibele ya kulekana.

<sup>312</sup> “Tefyo cali pakutendeka.” Lelo Mose alicisuminishe, na Lesa alicimwene ukubo ubulungami. Kabili na Paulo nao alikwete insambu, lintu asangile ulukuta lwakwe muli ilye mibele.

<sup>313</sup> Nomba mucetekele Ici ukube cine, no ku Cicetekela ukuba icakufuma kuli Lesa! Kabili no kushininkisha kwe Kumbi Lyakwe ne Mbila Yakwe iyo iyandeta ukufika na pano, bushe Lesa tekuti ansuminishe palya pa lupili ukucita icintu cimo cine, ku kumusuminisha imwe ukuya ikala fintu mwaba, kabili mwikacicita na kabili! Kabiyeni nabakashi benu no kuya ikala mu mutende, pantu inshita naipwa. U Kwisa kwakwa Shikulu kuli mupepi. Tatukwete inshita iyakulondolola ifi. Mwikesha ukucicita na kabili! Ndelanda fye ku lukuta lwandi. Lelo nga mwaliupa. . . Kabili Lesa aali ni kambone wandi uwa cilya,

pa lupili, pakutila Ningasosa Ici, ubusokololo ubwapulamo, pa mulandu wakwisula Ifikakatikilo Cine lubali, kabili ili lipusho ilya mu Cebo cakwa Lesa. “Baleke batwalilile ukwikala fintu baba, kabili bekabembuka na kabili!”

<sup>314</sup> “Tefyo cali pa kutendeka.” Ico cishinka, tefyo cali, kabili tacakabe na pa mpela. Lelo ukulingana ne mibele ya nomba, ngo mubomfi wakwa Lesa . . . Nshaite ne mwine ukuba kasesema Wakwe; lelo Ndecetekela nalimo, nga Nshatuminwe pa mulandu wa ifyo, Ndemupangilako umufula ena ilyo akesa. Eico pa mibele imo ine iya ino nshita, Ndemukonkomesha imwe ukuya ku mayanda yenu, na bakashi benu nomba. Nga muli ne nsansa nankwe, mukekale nankwe, mukakushe abana benu mu nshila yakwa Lesa. Lelo Lesa amukwatile uluse nga mukatala ukucita cilya nakabili! Mukasambilishe abana benu kukukana cita icintu camusango ulya, mukabakushe munshila yakwa Lesa. Kabili nomba pakuba fintu mwaba, na tuleya nomba, panshita iya cungulo bushiku iyo tuleikalamo, kabili “butukileni ku bwite bwa pa mulu muli Kristu,” uko ifintu fyonse fikabe fingacitwa.

<sup>315</sup> Mpaka Njise mumone munshita ya bushiku, Shikulu Lesa amupale, lintu twalapepa.

<sup>316</sup> Shikulu Lesa, Tule Mutotela. Tulemulumbanya. Nimwe Yehoba umukalamba umo wine uyo uwasuminishe Mose. Mose, ulya umubomfi, kabili ni finshi ifyo ali no kweba abantu bakwe? Kabili, Lesa, Mwalimusuminishe ukumupela inkalata yakulekana. Paulo, umutumwa mukalamba uyo uwalembele Icipangano Cipyra, nga Mose Uwakale. Mose alembele Amalango kabili mafunde ayapusana pusana. Bakasesema abengi, ifyabo fyabo fyalil Bikilwemo, lelo Mose alembele Amalango. Kabili Mwali musuminishe kuku balembela, uku balembela inkalata yakulekekana, pa mulandu wakukosa kwa mitima yabo.

<sup>317</sup> Umukalamba Paulo Washila, pakuba kalemba wa Cipingo Cipyra, nao wine kuti acita icintu ca musango uyu wine, ukutila, “Ndelanda pa mulandu wa mibele imoine; Ine, te Shikulu.”

<sup>318</sup> Efyo cili ne lelo, Shikulu Lesa, pa mpela ya calo, nga fintu tuli pano mu luse lwakwa Lesa, ukwishiba ukutila nomba line tukesa asuka mu Kubapo Kwakwe. Kabili Imwe mwalicite fingi, Shikulu, Ndi uwashininkisha mu cinsu ca aba bantu, bakekatilila kuli Ici kwati Cafuma kuli Imwe. Kabili ndepela ubunte pano ilelo, pa bantu abengi abekele muno abo abamwene cilye Cishibilo pa mulu wa lupili, pantu ba Malaika bakwa Shikulu baishile muli kankungwe, umo ba Malaika cine lubali baishile, uko ukusokolola kwa fya Nkama Cinelubali fyafimbwilwe; kabili ulya Malaika umo wine pa ncende imo ine, pa lupili lumo lwine, bulyo bushiku lintu Ici casokolwelwe!

<sup>319</sup> Lesa, Ndepepa ukutila abantu balaya ku ng’anda ababa aba kutotela pantu Lesa na pela ishi nkumbu kuli bena. Kabili naci Cilandafye, Shikulu, ukupitila mukusuminishiwa. Kabili

Nde Cisosasefye ukupitila mukusuminishiwa, Shikulu. Kabili lekeni abantu babe aba kutotela nganshi pakutitila bekacita lulya lubembu nakabili! Kabili balekeni bekatala ukwesha ukucita ulubembu ululi lonse, lelo ukutemwa Imwe ne mitima yabo yonse. Shikulu, lengeni ishi ndupwa shibe ishansansa, kabili bakule no kukusha abana babo mu nshila yakwa Lesa.

<sup>320</sup> Pantu, i Mbila yandi iyo iyali pa mutima wandi naipelwa, Shikulu. Kabili ni ncita fyonse ifyo Naishiba ukucita. Kabili Satana alindwisha pa milungu, nama ora ukwabulo kulala. Lelo nomba Naipela Iyi, Shikulu, kuli aba bantu, pakutitila Bengaisoma, kabili bengaya no kuya ikala pa mulandu wa Wenu. Cipeleni, Shikulu. Nacifuma pa mabeya yandi nomba. Bali mu maboko Yenu. Ndepepa ukutitila Mwalabapaala.

<sup>321</sup> Paleni utu tutambala, Shikulu, utu tubikilwe pano, utwa balwele na bacushiwa. Leken iyi nshita ya bushiku iise ibe iya pulishamo, ubushiku ubwamaka, ukutitila abantu bonse balaisa undapwa. Cipeleni, Shikulu. Tupaaleni bonse capamo.

<sup>322</sup> Leken tuye mu mutende, abansansa, abasangalala, pantu Lesa kalenga natulangisha “ukutitula pa kutendeka,” kabili napela kuli ifwe, mu bubi ubo twabamo, ukusenamina Kakwe nakabili, muli shino nshiku shakulekelesha. O mwe Lesa Umukalamba kabili Uwamuyayaya, ifyo tule Mutasha pali shena! Kabili imitima yesu ingasansamuka nganshi, ukutitila tatwakatale ukukwata ukukabila na kumbi ku kubembukila Imwe. Mwi Shina lyakwa Yesu. Ameni.

Nali Mutemwa, (Mulandu nshi teti mu  
Mutemenwe?) Nali Mutemwa  
Pantu Ali ntemenwe  
No kushite pusukilo lyandi  
Pa Kalbale . . .

<sup>323</sup> Ndesosa ici nomba pakutitila bakashimikila bengomfwikisha. Ici cakuli abo beka abakonka iyi Mbila!

<sup>324</sup> Oh, bushe namusansamuka? [Ulukuta lwatitila, “Ameni.”—Kale.] Nimyeba i Cine, EFYA SOSA SHIKULU, ukupitafye muli fyonse! [“Ameni!”]

<sup>325</sup> Nomba katwiminine no kwimya amaboko yesu, lintu twalaimba na kabili, “Nali Mutemwa.” Nali Mutemwa pa nkumbu Shakwe. Nali Mutemwa pa luse Lwakwe. Nali Mutemwa pa Cebo Cakwe. “Kabili i Cebo cakwa Shikulu caishile kuli bakasesema!”

Ine . . .

<sup>326</sup> Isa kuno, munyina. Twalilila.



*ICUPO NO KULEKANA* BEM65-0221M  
(Marriage And Divorce)

Iyi Mbila na Munyina William Marrion Branham yaletelwe intendekelo mu Cingeleshi pa Mulungu ulucelo, mu Kabengele Kakalamba 21, 1965, pa Parkview Junior High School mu Jeffersonville, Indiana, U.S.A., yafumishiwa muli tape iyambulwa kabili nalilembwa ukwabulo ukulundamo mu Cingeleshi. Uku ukwilula kwa mu Cibemba kwa lembelwe no kupelwa na ba Voice Of God Recordings.

BEMBA

©2023 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalebwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)